

niat. In has autem tractationes natura formulæ $\int Z dx$, quæ maximum minimumve esse debet, ingens discrimen infert, prout Z fuerit functio vel determinata vel indeterminata; quemadmodum jam observavimus.

CAPUT II.

De Methodo maximorum ac minimorum ad lineas curvas inveniendas absoluta.

PROPOSITIO I. PROBLEMA.

1. **S**I in curva quacunque amz una applicata quævis Nn augeatur particula infinite parva nv ; invenire incrementa vel decremента, quæ singula quantitates determinata ad curvam pertinentes hinc accipient.

Fig. 4.

SOLUTIO.

Quantitates determinatæ ad curvam propositam pertinentes sunt, præter abscissam x , quæ non afficitur, hæc y, p, q, r, s , &c. cum suis derivatis valoribus, quos in locis vel sequentibus vel antecedentibus fortiuntur. Quod si nunc ponamus $AM = x$, & $Mm = y$, erit $Nn = y'$, hujusque valor per translationem puncti n in v augebitur particula nv , reliquæ autem applicatæ y'', y''', y'''' , &c. pariter ac præcedentes y_1, y_2, y_3, y_4 &c. non afficientur. Cum igitur sola applicata y' crescat particula nv ; ex Cap. præc. §. §. 51 & seqq. colligetur quantum incrementum reliquæ quantitates omnes capiant ex incremento folius applicatæ y' . Omnes scilicet quantitates, quarum valor pendet ab y' , mutationem subibunt, reliquæ vero, quæ ab y' non pendent, manebunt invariata. Ita cum fit $p = \frac{y' - y}{dx}$ hæc quantitas p crescet particula $\frac{ny'}{dx}$; at cum fit $p' = \frac{y'' - y'}{dx}$, hæc quantitas p' de-

p' decreſcet particula $\frac{ny}{dx}$. Similique modo reliquarum quantitatatum incrementa vel decremента reperientur, delendo in earum valoribus ſupra exhibitis omnes valores ipſius y , præter hunc y' , hujusque loco ſcribendo ny . Hoc modo omnium quantitatum determinatarum, quæ quidem mutationem patiuntur, incrementa in ſequenti Tabella congeſſimus

Quant.	Increm.	Quant.	Increm.
y'	$+ ny$	$s_{///}$	$+\frac{ny}{dx^4}$
p	$+\frac{ny}{dx}$	$s_{//}$	$-\frac{4ny}{dx^4}$
p'	$-\frac{ny}{dx}$	$s_{/}$	$+\frac{6ny}{dx^4}$
q_1	$+\frac{ny}{dx^2}$	s	$-\frac{4ny}{dx^4}$
q	$-\frac{2ny}{dx^2}$	s'	$+\frac{ny}{dx^4}$
q'	$+\frac{ny}{dx^2}$	t_{IV}	$+\frac{ny}{dx^5}$
$r_{//}$	$+\frac{ny}{dx^3}$	$t_{///}$	$-\frac{5ny}{dx^5}$
r_1	$-\frac{3ny}{dx^3}$	$t_{//}$	$+\frac{10ny}{dx^5}$
r	$+\frac{3ny}{dx^3}$	t_1	$-\frac{10ny}{dx^5}$
r'	$-\frac{ny}{dx^3}$	t	$+\frac{5ny}{dx^5}$
		t'	$-\frac{ny}{dx^5}$

Atque ex hac Tabella etiam ulteriorum quantitatum, ſi quæ occurrunt, incrementa vel decremента facile cognosci poterunt.
Q. E. I.

COROLL. I.

2. Cognitis igitur incrementis harum quantitatum primaria-
rum ad curvam pertinentium, inde omnium quantitatum ex iis
compositarum incrementa, quæ oriuntur ex aucta applicata y' , de-
terminari poterunt, si ratio compositionis spectetur.

COROLL. II.

3. Harum scilicet quantitatum incrementa exhibita, considera-
ri poterunt tanquam earum differentialia. Atque si proposita
fuerit quantitas quæcunque ex illis composita, ejus conve-
niens incrementum ex translatione puncti n in v ortum invenit-
tur, differentiando illam quantitatem, & loco differentialium
singularum quantitatum, scribendo ea incrementa, quæ his quan-
titatibus sunt adscripta.

COROLL. III.

4. Si igitur habeatur hæc functio $y'\sqrt{(1+pp)}$, cujus incre-
mentum, quod ex translatione puncti n in v oritur sit determi-
nandum; ea functio primum differentietur; unde prodibit $dy'\sqrt{(1+pp)} + \frac{y'pdp}{\sqrt{(1+pp)}}$; hicque loco dy' & dp scribantur incre-
menta quantitatum y' & p convenientia, nempe $+nv$ & $+\frac{nv}{dx}$;
eritque functionis propositæ incrementum $= +nv\sqrt{(1+pp)} + \frac{y'p.nv}{dx\sqrt{(1+pp)}}$.

COROLL. IV.

5. Expedite igitur per differentiationem functionis cujuscunque
incrementum, quod ex incremento nv applicatæ y' oritur, af-
signari potest; id quod ex inspectione figuræ difficulter & mini-
me generaliter fieri potest.

S C H O L I O N.

6. Probe notandum est hunc modum incrementa functionum seu quantitatum ex $x, y, p, q, \&c.$ harumque derivatis $y', y'', p', p'', \&c.$ datarum incrementa inveniendi, tantum ad functiones determinatas patere, minime vero ad indeterminatas extendi posse. Quod si enim functio proposita fuerit indeterminata, seu formula integralis indefinita, integrationem neque algebraice neque transcendenter admittens, tum differentiatione nihil consequimur ad ejus incrementum inveniendum. In sequentibus autem, ubi ejusmodi maximi minimive formulas $\int Z dx$ sumus contemplaturi, in quibus Z sit functio talis indeterminata, in hujusmodi functionum incrementa sumus inquisituri. Sin autem Z fuerit functio determinata, propositi Problematis solutio sufficere potest ad solutiones Problematum huc pertinentium absolvendas.

PROPOSITIO II. PROBLEMA.

Fig. 4. 7. Si fuerit Z functio determinata ipsarum x & y tantum, invenire curvam az , in qua valor formulae $\int Z dx$ sit maximus vel minimus.

S O L U T I O.

Concipiatur abscissa AZ , cui maximum minimumve formulæ $\int Z dx$ respondere debet, divisa in innumerabilia elementa æqualia, singula per dx denotanda; positaque abscissa indefinita $AM = x$, & applicata $Mm = y$, ex formula $\int Z dx$ elemento MN respondebit $Z dx$; atque secundum receptum notandi modum, elemento sequenti NO respondebit $Z' dx$, & sequentibus elementis $OP, PQ \&c.$ respondebunt valores $Z'' dx, Z''' dx, \&c.$ antecedentibus vero elementis $LM, KL, IK,$ respondebunt $Z_1 dx; Z_2 dx; Z_3 dx, \&c.$ Quare si curva az sit ea ipsa quæ quæritur, debet esse $Z dx + Z' dx + Z'' dx + \&c.$ una cum $Z_1 dx$

$Z_1 dx + Z_2 dx + Z_3 dx + \&c.$ maximum vel minimum. Quod si igitur una applicata $Nn = y'$ augeatur particula $n\nu$, illa expressio eundem valorem retinere, atque adeo valor differentialis formulæ $\int Z dx$, seu summæ terminorum $Z dx + Z' dx + Z'' dx + Z''' dx + \&c.$ una cum $Z_1 dx + Z_2 dx + Z_3 dx + \&c.$ evanescere debet. Singulorum igitur horum terminorum valores differentiales, qui oriuntur ex translatione puncti n in ν , investigari debebunt; eorumque aggregatum erit valor differentialis formulæ $\int Z dx$ respondens, qui positus $= 0$ æquationem pro curva quæsitâ præbebit. Quoniam autem Z ponitur functio determinata ipsarum x & y ; habebit ipsius differentiale dZ hujusmodi formam $M dx + N dy$; ita ut sit $dZ = M dx + N dy$. Valoribus igitur derivatorum ipsius Z differentialia ita se habebunt.

$$\begin{array}{l|l} dZ' = M' dx + N' dy' & dZ_1 = M_1 dx + N_1 dy_1 \\ dZ'' = M'' dx + N'' dy'' & dZ_2 = M_2 dx + N_2 dy_2 \\ \&c. & \&c. \end{array}$$

Cum nunc valores differentiales terminorum $Z dx, Z' dx, Z'' dx, \&c.$ itemque ipsorum $Z_1 dx, Z_2 dx, \&c.$ inveniantur, si hi termini differentientur, atque loco dy' in differentialibus scribatur $n\nu$, loco omnium reliquorum differentialium vero 0 ; manifestum est solum terminum $Z' dx$ habiturum esse valorem differentialem, quoniam in ejus solius differentiali occurrit dy' . Scripto itaque $n\nu$ loco dy' , erit termini $Z' dx$ valor differentialis $= N' dx. n\nu$, qui simul erit valor differentialis totius formulæ $\int Z dx$; quia reliqui termini præter $Z' dx$ nullam variationem patiuntur. Loco N' autem ponere poterimus N , quia est $N' = N + dN$, & dN præ N evanescit. Pro curva igitur quæsitâ, in qua sit $\int Z dx$ maximum vel minimum, ista habetur æquatio $N dx. n\nu = 0$ seu $N = 0$; existente $dZ = M dx + N dy$. Q. E. I.

COROLL. I.

8. Si igitur curva debeat definiri, in qua sit $\int Z dx$ maximum vel minimum, atque Z sit functio determinata ipsarum x & y tantum; tum quantitatem Z differentiari oportet; quod cum habiturum sit hujusmodi formam $dZ = Mdx + Ndy$, hinc formabitur æquatio pro curva quæsita, quæ erit $N = 0$.

COROLL. II.

9. Cum ergo N sit functio ipsarum x & y determinata, in æquatione pro curva $N = 0$ nulla inerit quantitas constans, quæ non fuit in formula maximi minimive $\int Z dx$; & hanc ob rem curva inventa erit unica & perfecte determinata.

COROLL. III.

10. In quæstionibus igitur sub hoc Problemate comprehensis, curva satisfaciens ex sola maximi minimive formula determinatur; neque licebit insuper puncta aliqua præscribere, per quæ curva quæsita transeat.

COROLL. IV.

11. Quod si Z fuerit functio tantum ipsius x , ita ut y non involvat; erit tum $\int Z dx$ functio determinata pariter ipsius x tantum; eique adeo omnes curvæ eidem abscissæ respondentes æque satisfacient. Idem vero hoc monstrat calculus; hoc enim casu, quo in Z non inest y , fiet $N = 0$; ideoque nulla prodit æquatio pro curva quæsita.

COROLL. V.

12. Statim etiam intelligi potest, utrum detur linea curva; in qua hujusmodi formula $\int Z dx$ sit maximum vel minimum. Si enim ex differentiatione ipsius Z , ejusmodi valor pro N reperiat-
tur,

tur, ut per æquationem $N=0$ nulla curva exprimat; tum etiam nulla curva extat in qua proposita formula $\int Z dx$ fit maximum vel minimum.

C O R O L L. VI.

13. Denique etiam perspicitur, hanc maximi minime proprietatem non uni alicui determinatæ abscissæ esse adstrictam; sed si curva pro una abscissâ reddat formulam $\int Z dx$ maximum vel minimum, eandem pro quacunq; alia abscissâ, pariter maximum minimumve valorem esse habiturum.

S C H O L I O N I.

14. Nacti ergo sumus methodum facilem, inter omnes curvas eidem abscissæ respondentem, eam determinandi, in qua constituat formula $\int Z dx$ valorem maximum vel minimum, siquidem Z est functio determinata ipsarum x & y tantum. Simul vero etiam patet curvam satisfaciendam semper fore algebraicam, siquidem Z fuerit functio algebraica ipsarum x & y . Curvæ igitur hoc modo inventæ ista erit proprietas, ut si ad eandem abscissam alia quacunq; constituatur linea curva, tum pro ea valor formulæ $\int Z dx$ certo vel minor vel major sit proditurus quam pro inventa; prout in inventa formula $\int Z dx$ vel fuerit maxima vel minima. Cum autem adhuc dubium sit utrum in curva inventa valor formulæ $\int Z dx$ futurus sit maximus an minimus; de eo in quovis casu particulari facile fiet dijudicatio; in genere autem nihil omnino decidi potest. Interim hoc certum est, si unica prodit æquatio, tum tantum vel maximum vel minimum locum habere posse; hoc est, si curva inventa sit pro maximo; tum minimum non dari, sed valorem formulæ $\int Z dx$ in infinitum diminui posse. Pari modo, si unica inventa fuerit curva, in eaque formula $\int Z dx$ sit minima, tum valorem $\int Z dx$ in infinitum augeri posse. Quod si autem solutio nullam prorsus præbeat curvam satisfaciendam, id indicio erit valorem formulæ

$\int Z dx$ pro quacunq; abscissa tam in infinitum crescere quam decrescere posse,

S C H O L I O N II.

15. Ex eadem etiam solutione reperiri poterunt illæ curvæ maximi minimive proprietate præditæ alterius generis supra memoratæ, ad quas non pervenitur per valores differentiales evanescentes, sed infinite magnos; quod maximorum & minimorum genus ab illo maxime discrepat. Reperientur autem istæ curvæ, si valor differentialis $N dx$, non nihilo, sed infinito æqualis ponatur. Quoties igitur hæc æquatio $N = \infty$ lineam aliquam curvam suggerit; tum in ea pariter formula $\int Z dx$ maximum vel minimum obtinebit valorem: Hoc scilicet eveniet, quando pro N prodit fractio, cujus denominator nihilo æqualis positus, præbet æquationem pro aliqua linea curva. Hoc itaque pacto plures curvæ reperiri possunt, quæ eidem quæstioni satisfaciunt; quarum aliæ maxima continebunt, aliæ minima. Fieri etiam potest, ut plures quam duæ curvæ Problemati satisfaciennes reperiantur, etiamsi binæ tantum oriri queant æquationes, scilicet $N = 0$ & $N = \infty$. Si enim N fuerit quantitas ex factoribus composita; tum quilibet factor, vel nihilo vel infinito æqualis positus, dabit æquationem pro curva satisfaciente; constat enim sæpenumero plura maxima pluraque minima locum habere posse. Hæc autem omnia clarius enodabuntur in sequentibus Exemplis in hoc Problemate contentis.

E X E M P L U M I.

16. Invenire curvam, qua, inter omnes omnino curvas eidem abscissa respondentem, habeat $\int XY dx$ maximum vel minimum; denotante X functionem ipsius y , & Y ipsius y tantum.

In hoc igitur casu fiet $Z = XY$; ideoque $dZ = Y dX + X dY = M dx + N dy$. Erit ergo $M = \frac{Y dX}{dx}$ & $N = \frac{X dY}{dy}$; &

ob X ipsius x & Y ipsius y functionem. Pro curva igitur quæ sita erit $N = \frac{X dY}{dy} = 0$: quoniam autem Y est functio ipsius y , ponatur $dY = \odot dy$; erit \odot pariter functio ipsius y ; ideoque pro curva quæ sita, si quæ satisfacit, habetur hæc æquatio $X \odot = 0$, ideoque vel $X = 0$, vel $\odot = 0$; quarum cum neutra lineam curvam præbeat, apparet huic quæstioni nullam omnino curvam satisfacere, sed valorem propositum $\int XY dx$ in infinitum cum augeri tum diminui posse. Ex æquatione autem $\odot = 0$, quia \odot est functio ipsius y , sequitur $y = \text{Const.}$ quæ æquatio præbet lineam rectam parallelam abscissæ AZ , cujus distantia tanta est, ut fiat functio Y maxima vel minima. Patet enim, si quantitas Y maximum minimumve valorem admittat, tum etiam formulam $\int XY dx$ fieri maximum vel minimum. Altera autem æquatio $X = 0$, quia præbet $x = \text{Const.}$ nequidem lineam rectam quæstioni satisfaciendam exhibet; quia præbet lineam rectam normalem ad abscissam, quæ propterea non datæ abscissæ cuiquam, sed tantum ejus uni puncto respondebit.

E X E M P L U M II.

17. *Invenire curvam, quæ, inter omnes eidem abscissæ respondentes curvas, habeat valorem formulæ $\int (ax - yy) y dx$ maximum vel minimum.*

Si hæc formula cum generali $\int Z dx$ comparetur, fiet $Z = axy - y^3$, ideoque $dZ = ay dx + (ax - 3yy) dy$; ita ut fiat $M = ay$ & $N = ax - 3yy$; unde pro curva quæ sita habebitur ista æquatio $ax - 3yy = 0$, seu $yy = \frac{1}{3} ax$, quæ est pro Parabola verticem in A , axem AZ & parametrum $= \frac{1}{3} a$ habente. In hac igitur Parabola, erit valor formulæ $\int (ax - yy) y dx$ maximus vel minimus. Utrum autem sit maximus an minimus, reperietur, si aliam quæmcunque lineam loco Parabolæ substituamus, atque inquiramus utrum pro ea valor formulæ propositæ major sit an minor quam pro Parabola. Sumamus igitur

igitur lineam rectam cum ipso axe congruentem, pro qua erit $y = 0$. Pro hac itaque valor formulæ $f(ax - yy)y dx$ fiet pariter $= 0$, pro Parabola autem idem valor erit affirmativus, ideoque > 0 ; ex quo sequitur in Parabola formulæ propositæ valorem non esse minimum, sed maximum. Poterimus autem algebraice indicare quantus futurus sit valor formulæ propositæ pro Parabola: cum enim sit $yy = \frac{1}{3}ax$, abibit formula proposita in hanc $f\frac{2}{3}ax dx \sqrt{\frac{1}{3}ax} = \frac{4}{15}ax^2 \sqrt{\frac{1}{3}ax}$. Quod si autem ponamus aliam æquationem, puta $y = nx$; abibit formula proposita in hanc $f dx (naxx - n^3x^3) = \frac{1}{2}nax^3 - \frac{1}{4}n^3x^4$, quæ semper est minor quam valor formulæ qui pro Parabola inventa prodiit: id quod quilibet facile, substituendis loco x definitis valoribus, experietur.

E X E M P L U M III.

18. *Invenire curvam, in qua sit, inter omnes omnino curvas ad eandem abscissam relatas, valor hujus formulæ $f(15a^2x^2y - 15a^3xy + 5a^2y^3 - 3y^5) dx$ maximus vel minimus.*

Erit igitur $Z = 15a^2x^2y - 15a^3xy + 5a^2y^3 - 3y^5$, qui si differentietur, posito x constante, prodibit $N dy = 15a^2x^2 dy - 15a^3x dy + 15a^2y^2 dy - 15y^4 dy$; hincque $N = 15(a^2x^2 - a^3x + a^2y^2 - y^4)$; qui valor, positus $= 0$, dabit æquationem pro curva quaesita: erit itaque $aaxx - a^3x + a^2y^2 - y^4 = 0 = (ax - yy)(ax + yy - aa)$. Ob binos hos factores, prodeunt binæ curvæ satisfaciens, quarum altera exprimetur hac æquatione $yy = ax$, altera hac $yy = aa - ax$; utraque pro Parabola. Ut nunc appareat utra sit pro maximo vel minimo, ponamus abscissam esse minimam, ac prior æquatio $yy = ax$ in formula substituta dabit $f - 10a^3x dx \sqrt{ax}$. Altera vero formula $yy = aa - ax$, seu $y = a$, substituta dabit $f 2a^5 dx$. Quod si autem ipsi y alius quicumque valor tribuatur, puta $y = 0$; tum formula proposita abit in $f 0 dx = 0$. Ex quo patet curvarum inventarum alteram $yy = aa - ax$ esse pro maximo, alteram autem $yy = ax$ pro minimo, scilicet pro maximo negativo.

tivo. Facillime autem perpetuo hæc dijudicatio, utrum maximum an minimum in curva inventa locum habeat, instituetur, si abscissa x ponatur infinite parva; tum enim integratione non erit opus, sed ipsa formula $Z dx$ monstrabit valorem formulæ $\int Z dx$ hoc casu.

E X E M P L U M IV.

19. *Inter omnes curvas eidem abscissæ respondentes, definire eam in qua sit formulæ $\int (3ax - 3xx - yy)(ax - xx - \frac{4}{3}xy + yy) dx$ valor maximus vel minimus.*

Ex hac igitur formula prodibit sequens ipsius Z valor evolutus;

$$Z = \frac{+ 3a^2x^2 - 4ax^2y + 2axy + \frac{4}{3}xy^3 - y^4}{- 6ax^3 + 4x^3y - 2xxy + 3x^4}$$

quæ differentiata, posito x constante, ac divisa per dy , sequentem præbebit valorem pro N :

$$N = \frac{- 4ax^2 + 4axy + 4xyy - 4y^3}{+ 4x^3 - 4xxy}$$

quæ expressio, nihilo æqualis posita, dabit æquationem pro curva quæsitâ. Erit itaque

$$\frac{y^3 - xyy + xxy + axx}{- axy - x^3} = 0$$

quæ duos habet factores, qui totidem præbent æquationes, hæc

I. $y - x = 0$, pro linea recta

II. $yy - ax + xx = 0$, pro circulo.

Ponatur x infinite parva, eritque ex æquatione $y = x$, valor ipsius $Z = 3a^2x^2$; at ex æquatione $yy = ax - xx$, seu $y = \sqrt{ax}$, erit $Z = 4aaxx$. Quod si autem ponatur $y = a$, prodit $Z = -a^4$, unde apparet utramque lineam inventam esse pro maximo.

S C H O L I O N

20. Problemata etiam resolvi possunt per Methodum maximorum & minimorum vulgarem. Quando enim curva quaeritur pro qua valor ipsius $\int Z dx$ sit maximus vel minimus, idque pro qualibet abscissa; manifestum est siquidem Z sit functio determinata ipsarum x & y , formulam $\int Z dx$ maximum minimumve esse non posse, nisi elementum ejus $Z dx$ ac proinde ipsum Z tale sit. Quamobrem quaestioni satisfiet, si quantitas Z differentietur posito x constante, ejusque differentiale ponatur $= 0$. Tum enim perpetuo Z habebit valorem maximum vel minimum, ac proinde etiam $Z dx$ & ipsa formula $\int Z dx$. Quod si autem functio Z differentietur, posito x constante, prodibit $N dy$; quoniam generaliter differentiendo posuimus $dZ = M dx + N dy$; satisfietque ponendo $N = 0$: quae est eadem solutio, quam per Methodum traditam invenimus. Quamvis autem hinc videantur istae quaestiones simili modo resolvi posse, quo in Methodo maximorum & minimorum vulgari; tamen hoc tantum evenit, si Z fuerit functio ipsarum x & y tantum; namque si in Z praeterea insint quantitates ex differentialibus ortae p, q, r , &c: tum vulgaris Methodus nullius amplius usus esse potest. Etsi enim tum differentietur functio Z posito x constante, tamen in differentiale etiam ingrederentur differentialia dp, dq, dr , &c. quorum relatio ad dy cum non constet, aequatio inde ad maximum minimumve determinandum apta deduci non poterit. His igitur casibus utilitas & necessitas nostrae Methodi maxime cernetur.

P R O P O S I T I O III. P R O B L E M A.

Fig. 4.

21. Si Z fuerit functio ipsarum x, y , & p determinata, ita ut sit $dZ = M dx + N dy + P dp$; invenire, inter omnes curvas eidem abscissae respondentes, eam in qua sit $\int Z dx$ maximum vel minimum.

S O L U T I O.

S O L U T I O.

Sit amz curvā quæsito satisfaciens, atque concipiatur applicata quæcunque $Nn = \nu'$ augeri particula n , debet valor differentialis formulæ $\int Z dx$, seu quantitatis huic æquivalentis, puta $Z dx + Z' dx + Z'' dx + Z''' dx + \&c.$ una cum $Z_1 dx + Z_2 dx + Z_3 dx + \&c.$ esse $= 0$. Totius igitur quantitatis $\int Z dx$ valor differentialis ex translatione puncti n in ν habebitur, si singulorum illorum terminorum, qui quidem hac translatione afficiuntur, valores differentiales quærantur & in unam summam addantur. Ex translatione autem puncti n in ν , illi tantum termini mutationem subeunt, in quibus insunt quantitates y' , p & p' ; ideoque tantum termini $Z dx$ & $Z' dx$; nam uti Z est functio ipsarum y & p præter x ; ita Z' similis est functio ipsarum y' & p' . Quamobrem hi termini debent differentiari, atque in eorum differentialibus loco dy' , dp , & dp' scribi oportet valores supra indicatos $+ n\nu$; $+\frac{ny}{dx}$ & $-\frac{ny}{dx}$. Sicut autem est $dZ = Mdx + Ndy + Pdp$, ita erit $dZ' = M'dx + N'dy' + P'dp'$. Hinc itaque valor differentialis ipsius Z erit $P \cdot \frac{ny}{dx}$, & ipsius Z' erit $N \cdot n\nu - P' \cdot \frac{ny}{dx}$; ex quo utriusque termini $Z dx + Z' dx$, ideoque integræ formulæ $\int Z dx$ valor differentialis erit $= n\nu \cdot (P + N'dx - P')$. At est $P' - P = dP$, & loco N' scribi potest N ; unde valor differentialis erit $= n\nu \cdot (Ndx - dP)$. Quare cum formulæ $\int Z dx$ valor differentialis nihilo æqualis factus præbeat æquationem pro curva quæsitâ, hæc erit $0 = Ndx - dP$, vel $N - \frac{dP}{dx} = 0$, qua æquatione natura curvæ quæsitæ exprimetur. Q. E. I.

C O R O L L. I.

22. Quod si ergo fuerit Z functio quæcunque ipsarum x, y , itemque earum differentialium dx & dy , seu loco horum differentialium, ipsius

ipsius p ; existente $dy = p dx$; differentiale ipsius Z hujusmodi habebit formam, ut sit $dZ = M dx + N dy + P dp$. Atque hinc reperietur curva, in qua sit $\int Z dx$ maximum vel minimum, formandò hanc æquationem $N - \frac{dP}{dx} = 0$ feu $N dx = dP$.

C O R O L L. II.

23. Æquatio hæc igitur semper erit differentialis secundi gradus, nisi in P plane non insit p . Nam si p continetur in P , tum in dP inerit dp ; quod ob $p = \frac{dy}{dx}$ differentia secundi gradus involvet.

C O R O L L. III.

24. Quando ergo in differentiali ipsius $dZ = M dx + N dy + P dp$ quantitas P adhuc in se complectitur p ; tum, ob æquationem pro curva quæsitâ differentialem secundi gradus, duæ novæ constantes arbitrariæ per integrationem ingredientur. Ex quo ad harum constantium determinationem, duo curvæ puncta præscribi poterunt; alias enim non una sed innumerabiles curvæ reperirentur.

C O R O L L. IV.

25. Ut itaque hujusmodi Problemata determinate proponantur, ita sunt enuncianda, ut per data duo puncta curva duci debeat, quæ, inter omnes alias curvas per eadem puncta ductas, pro eadem abscissa x valorem $\int Z dx$ maximum minimumve complectatur.

C O R O L L. V.

26. In P autem quantitas p non inerit, si Z fuerit functio ipsarum x & y tantum, per p vel per $n + p$, denotante n numerum

rum constantem, multiplicata. Sit enim V functio ipsarum x & y tantum; ita ut sit $dV = Mdx + Ndy$; atque $Z = V(n + p)$, erit $dZ = (n + p)Mdx + (n + p)Ndy + Vdp$. Hincque æquatio pro curva quæsitâ erit $0 = (n + p)N - \frac{dV}{dx}$, feu $(n + p)Ndx = dV = Mdx + Ndy$.

C O R O L L. VI.

27. His igitur casibus, quibus est $Z = V(n + p)$, existente V functione ipsarum x & y tantum, non pervenitur ad æquationem differentialem secundi gradus: quia dp in ea prorsus non inest. Verum nequidem ad differentialem æquationem primi gradus pervenitur; sed adeo ad algebraicam. Nam cum sit $pdx = dy$, erit $(n + p)Ndx = nNdx + Ndy$; quod ipsi $Mdx + Ndy$ æquale positum, dabit æquationem per dx divisibilem, adeoque algebraicam, hanc $nN = M$, siquidem V fuerit functio algebraica.

C O R O L L. VII.

28. Quoties autem hoc evenit, maximi minime formula, quæ est $\int Z dx$, erit talis formæ, $\int (Vn dx + Vdy)$, vel posito $n = 0$, talis $\int V dy$. Hujusmodi igitur maximi minime formulæ pariter ad æquationem determinatam pro curva quæsitâ deducunt, ita ut non liceat unum plurave puncta præscribere, per quæ curva transire debeat.

C O R O L L. VIII.

29. Posita igitur V functione ipsarum x & y , ista maximi minime formula $\int V dy$ pari modo tractatur, quo $\int V dx$. Nam, posito $dV = Mdx + Ndy$, formulæ $\int V dx$ respondet æquatio pro curva hæc $N = 0$, ita alteri formulæ, $\int V dy$ respondet æquatio $M = 0$. Ex quo perspicuum est coordinatas x & y inter se commutari posse.

SCHOLIUM I.

30. Apparet itaque in solutione hujusmodi Problematum; quibus quæritur curva valore formulæ $\int Z dx$ maximum minimumve habens, existente Z functione ipsarum $x, y,$ & $p,$ perveniri ad æquationem differentialem secundi gradus, nisi in Z quantitas p unicam tantum habeat dimensionem. Sæpe numero autem ista æquatio differentialis secundi gradus integrationem admittit, de quo in singulis casibus erit videndum. Interim hic annotasse juvabit, generaliter integrationem succedere, si in functione Z omnino non insit $x,$ hoc est, si in ejus differentiali $dZ = M dx + N dy + P dp$ valor M evanescat, ita ut sit tantum $dZ = N dy + P dp.$ Cum enim pro curva inventa fit hæc æquatio $N - \frac{dP}{dx} = 0;$ multiplicetur ea per $dy,$ & quia est $dy = p dx,$ ea abibit in hanc $N dy - p dP = 0,$ cui æquivalet ista $N dy + P dp = P dp + p dP = dZ,$ cujus integrale est $Z + C = Pp,$ quæ æquatio jam tantum est differentialis primi gradus. Quoties ergo inter omnes curvas eidem abscissæ respondentes ea quæritur, in qua sit valor formulæ $\int Z dx$ maximus vel minimus, atque Z tantum sit functio ipsarum y & $p,$ ita ut sit $dZ = N dy + P dp;$ tum, pro curva satisfaciente, statim exhiberi poterit æquatio differentialis primi gradus ista $Z + C = Pp.$ Deinde vero etiam, si Z fuerit functio ipsarum x & p tantum, atque $dZ = M dx + P dp,$ evanescente termino $N dy,$ tum pro curva prodibit æquatio differentialis primi gradus. Nam, ob $dP = 0,$ erit $P = C,$ quæ pro curva quæsitæ dabit æquationem differentialem primi gradus tantum. Quod si autem insuper M evanescat, seu Z functio sit ipsius p tantum, & $dZ = P dp;$ æquatio inventa $P = C$ transmutabitur in istam $P dp = C dp = dZ,$ quæ denuo integrata dat $Z + D = Cp.$ Hoc autem casu, quia Z & P sunt functiones ipsius p tantum, utraque æquatio $P = C$ & $Z + D = Cp,$ præbebit pro p valorem constantem; ideoque æquationem hujus formæ $dy = ndx,$ quæ indicat hujusmodi Problematis satisfacere

cere lineas rectas, & quidem quascunque utlibet ductas. Nam in æquatione $P = C$, cum C sit constans arbitraria, valor ipsius p non solum constans, sed etiam arbitrarius evadet; ex quo linea recta quæcunque resultabit. Quamobrem si per data duo puncta curva duci debeat, in qua sit $\int Z dx$ maximum vel minimum, ac Z sit functio ipsius p tantum, tum satisfaciet linea recta per illa data duo puncta ducta.

SCHOLIUM II.

31. Quoniam supra jam vidimus in hujusmodi Problematibus coordinatas x & y inter se commutari, atque, si commodum videatur, applicatam y tanquam abscissam tractari posse, idem hoc quoque casu confirmari juvabit. Sit igitur curva investiganda in qua sit $\int Z dy$ maximum vel minimum, existente Z functione ipsarum x, y & p , & $dZ = M dx + N dy + P dp$. Hæc autem formula $\int Z dy$ ad nostram formam reducta abit in $\int Z p dx$: in qua erit $d.Zp = Mp dx + Np dy + (Z + Pp) dp$: ex qua formulæ propositæ valor differentialis respondens erit $(Np dx - dZ - P dp - p dP) n v = (-M dx - 2P dp - p dP) n v$: & æquatio pro curva quæsitæ erit $0 = -M dx - 2P dp - p dP$; seu $0 = -M dy - d.Pp^2$. Quod si nunc ad similitudinem ostendendam, quia hîc y tanquam abscissam consideramus, ponamus $dx = \pi dy$, erit $p' = \frac{1}{\pi}$ & $dp = -\frac{d\pi}{\pi^2} = -pp d\pi$; erit $dZ = M dx + N dy - Ppp d\pi = M dx + N dy + \pi d\pi$, ponendo $\pi = -Ppp$; ut similitudo terminorum conservetur. Quapropter æquatio pro curva erit $0 = -M dy + d\pi$; quæ eadem æquatio prodiisset, si in formula $\int Z dy$, applicata y in abscissam & vicissim abscissa in applicatam transmutetur. Proposita igitur quacunque formula indeterminata ex x & y horumque differentialibus composita, quæ debeat esse maxima vel minima, coordinatarum x & y utramlibet licebit tanquam abscissam tractare, ad eamque maximum minimumve accommodare.

EXEM-

E X E M P L U M I.

32. *Inter omnes curvas ad eandem abscissam relatas, eam determinare, in qua sit $f(Zdx + [Z]dy)$ maximum vel minimum; existentibus Z & $[Z]$ functionibus quibuscunque ipsarum x & y , ita ut sit $dZ = Mdx + Ndy$ & $d[Z] = [M]dx + [N]dy$.*

Ut formula hæc $f(Zdx + [Z]dy)$ ad formam receptam reducatur, ponatur pdx loco dy ; habebiturque hæc formula $f(Z + [Z]p)dx$ maxima minimave efficienda. Differentietur ergo valor $Z + [Z]p$; eritque ejus differentiale $= +Mdx + Ndy + [M]pdx + [N]pdy + [Z]dp$.

Jam per regulam inventam, hinc pro curva quæ sita ista prodibit æquatio, $0 = (N + [N]p)dx - d[Z] = (N + [N]p)dx - [M]dx - [N]dy$; quæ, ob $[N]pdx = [N]dy$, per dx divisa dabit hanc æquationem pro curva quæ sita algebraicam seu finitam $N - [M] = 0$. seu $N = [M]$. Hinc intelligitur si formula proposita $f(Zdx + [Z]dy)$ fuerit determinata, seu differentiale $Zdx + [Z]dy$ ita comparatum, ut integrationem admittat; tum nullam lineam quæ sita esse satisfactoriam, seu potius omnes lineas æque satisfacere. Nam si $Zdx + [Z]dy$ integrationem admittit, per se erit $N = [M]$; uti alibi de formulis differentialibus duarum variabilium determinatis demonstravimus; ideoque his casibus prodit æquatio identica $0 = 0$. Hincque luculenter intelligitur, quod jam ante notavimus, maximi minimive formulam oportere esse formulam indeterminatam; alioquin enim omnes lineæ curvæ æque satisfacerent.

E X E M P L U M II.

33. *Inter omnes lineas ad eandem abscissam relatas, determinare eam, cujus longitudo sit minima; seu in qua sit $\int dx \sqrt{1 + p^2}$ minimum.*

Primum quidem apparet in hac quæstione maximum non dari,

ri, cum linearum longitudo in infinitum augeri queat, manente abscissa eadem. Ita minimum tantum habebit locum, id quod ex ipsa Geometria elementari constat, in qua demonstratur lineam rectam inter omnes alias lineas intra eosdem terminos sitas esse brevissimam. Hoc igitur Exemplum ideo attulisse visum est, cum ut consensus nostræ Methodi cum veritate aliunde jam cognita intelligatur, tum etiam ut circumstantia de duobus punctis arbitrariis, quæ ad hujus generis quæstiones addi debet, melius percipiatur. Erit igitur, formula $\int dx \sqrt{(1+pp)}$ cum

generali $\int Z dx$ comparata, $Z = \sqrt{(1+pp)}$, & $dZ = \frac{p dp}{\sqrt{(1+pp)}}$;

unde fit $M=0$, $N=0$, & $P = \frac{p}{\sqrt{(1+pp)}}$. Quare, cum in

genere æquatio pro linea quæsita sit $N - \frac{dP}{dx} = 0$, habebi-

mus hoc casu $dP = 0$; ideoque $P = \frac{p}{\sqrt{(1+pp)}} = \text{Const.}$ ex

qua æquatione oritur $p = \text{Const.} = n$, seu $dy = ndx$, quæ denuo integrata dat $y = a + nx$. Non solum ergo patet lineam quæsitam esse rectam, sed etiam, ob duas arbitrarias constantes a & n , rectam utcunque ductam. Quare si per data duo puncta linea duci jubeatur brevissima, erit illa recta. Similiter autem intelligitur, si linea debeat inveniri, in qua sit $\int Z dx$; ubi Z est functio ipsius p tantum, maximum vel minimum, tum lineam rectam tantum satisfacere; uti ante jam notavimus.

E X E M P L U M III.

34. *Inter omnes curvas ad eandem abscissam relatas, determinare eam, in qua sit $\int \frac{dx \sqrt{(1+pp)}}{\sqrt{x}}$ maximum vel minimum.*

Hæc formula oritur, si quærat^rur linea celerrimi descensus; in hypothesi gravitatis uniformis, ponendo axem in quo abscissæ capiuntur verticalem. Erit igitur $Z = \frac{\sqrt{(1+pp)}}{\sqrt{x}}$ & dZ

Euleri de Max. & Min.

G =

$$= \frac{-dx\sqrt{(1+pp)}}{2x\sqrt{x}} + \frac{p dp}{\sqrt{x(1+pp)}}; \text{ unde fit } M = \frac{-\sqrt{(1+pp)}}{2x\sqrt{x}},$$

$$N = 0, \text{ \& } P = \frac{p}{\sqrt{x(1+pp)}}. \text{ Cum jam curva quæsitæ exprimat}$$

$$\text{æquatione } N - \frac{dP}{dx} = 0; \text{ erit } dP = 0, \text{ \& } P (= \frac{p}{\sqrt{x(1+pp)}}) = \text{Const.} = \frac{1}{\sqrt{a}};$$

$$\text{quæ reducta præbet } ap^2 = x + p^2x, \text{ \& } p = \frac{dy}{dx} = \sqrt{\frac{x}{a-x}}, \text{ seu } y = \int dx \sqrt{\frac{x}{a-x}},$$

$$\text{quæ æquatio indicat, curvam quæsitam esse Cycloidem super basi horizontali natam, \& cuspide}$$

$$\text{in suprema axis regione habentem: quæ adeo per data duo quæcunque puncta duci poterit.}$$

E X E M P L U M I V.

35. *Inter omnes curvas eidem abscissa respondentes, eam determinare in qua sit $\int y^n dx \sqrt{(1+pp)}$ maximum vel minimum.*

Pro hac ergo formula proposita erit $Z = y^n \sqrt{(1+pp)}$ &

$$dZ = ny^{n-1} dy \sqrt{(1+pp)} + \frac{y^n p dp}{\sqrt{(1+pp)}};$$
 ita ut fiat $M = 0$, &

$$N = ny^{n-1} \sqrt{(1+pp)} \text{ atque } P = \frac{y^n p}{\sqrt{(1+pp)}}.$$

Quoniam igitur est $M = 0$; statim pro curva quæsitæ habebitur ista æquatio semel jam integrata $Z + C = Pp$ (30), quæ nostro casu fit $y^n \sqrt{(1+pp)} + ma^n = \frac{y^n pp}{\sqrt{(1+pp)}}$. Quod si ponatur constans $a = 0$, prædabit $1+pp = pp$, seu $p = \infty$, satisfacietque linea recta normalis ad axem. Generatim vero lineæ satisfacientes reperientur ex æquatione, quæ abit in $y^n + ma^n \sqrt{(1+pp)} = 0$, seu $y^{2n} = m^2 a^{2n} + m^2 a^{2n} p^2$; quæ dat

$$p (= \frac{dy}{dx}) = \frac{\sqrt{(y^{2n} - m^2 a^{2n})}}{m a^n}, \text{ \& } x = \int \frac{m a^n dy}{\sqrt{(y^{2n} - m^2 a^{2n})}};$$
 quæ

quæ linea per data duo puncta duci potest. Si fuerit $n = -\frac{1}{2}$, ita ut $\int \frac{dx \sqrt{(1+pp)}}{\sqrt{y}}$ debeat esse maximum vel minimum; pariter prodire debet linea brachystochrona ad axem horizontalem relata; eritque pro ea $x = \int dy \sqrt{\frac{y}{a-y}}$; quæ cum præcedente omnino congruit, dummodo coordinatæ x & y inter se commutentur. Erit scilicet, ut ante, curva satisfaciens Cyclois super basi horizontali rotando generata, qualem per data duo quæcunque puncta ducere licet.

E X E M P L U M V.

36. *Inter omnes curvas eidem abscissa respondentes eam determinare, in qua sit $\int y dy^3 / (dx^2 + dy^2)$ maximum vel minimum*

Formula hæc ad formam consuetam, ope substitutionis $dy = p dx$, reducta, abit in hanc $\int \frac{y p^3 dx}{1+pp}$; eaque reperiri solet, si quæratz solidum rotundum rotatione curvæ circa axem ortum, quod secundum axis directionem in fluido motum minimam patiatz resistantiam: resistantia namque hoc casu proportionalis censetur formulæ $\int \frac{y dy^3}{dx^2 + dy^2}$ seu $\int \frac{y p^3 dx}{1+pp}$. Erit ergo $Z = \frac{y p^3}{1+pp}$ & $dZ = \frac{p^3 dy}{1+pp} + \frac{y dp (3pp + p^4)}{(1+pp)^2}$; ita ut fiat $M = 0$, $N = \frac{p^3}{1+pp}$ & $P = \frac{p^2 y (3+pp)}{(1+pp)^2}$. Cum igitur sit $M = 0$; una integratio generaliter succedit, eritque æquatio pro curva quæsitâ $Z + C = Pp$, seu $\frac{y p^3}{1+pp} + a = \frac{p^3 y (3+pp)}{(1+pp)^2}$; quæ abit in hanc $a(1+pp)^2 = 2 p^3 y$. Hujus æquationis autem evolutio non ita potest institui ut eliminetur p ; quare conveniet utramque coordinatam y & x per eandem variabilem p definiri. Ac primo quidem est $y = \frac{a(1+pp)^2}{2 p^3}$. Deinde, ob $dy = p dx$;

erit $dx = \frac{dy}{p}$ & $x = \int \frac{dy}{p} = \frac{y}{p} + \int \frac{y dp}{pp}$. Quod si ergo loco y valor inventus substituat, prodibit $x = \frac{a(1+pp)^2}{2p^4} + a \int \frac{dp(1+pp)^2}{2p^5} = \frac{a}{2} \left(\frac{3}{4p^4} + \frac{1}{pp} + 1 + lp \right)$: ex quibus curvæ constructio poterit confici, logarithmis in subsidium vocandis.

EXEMPLUM VI.

37. *Invenire curvam, in qua ista formula $\int y x dx \sqrt{1+pp}$ sit maximum minimumve.*

Erit ergo $Z = yx \sqrt{1+pp}$, atque $dZ = y dx \sqrt{1+pp} + x dy \sqrt{1+pp} + \frac{yxp dp}{\sqrt{1+pp}}$. Hanc ob rem habebitur $M = y \sqrt{1+pp}$, $N = x \sqrt{1+pp}$ & $P = \frac{yxp}{\sqrt{1+pp}}$; unde æquatio pro curva formabitur hæc $Ndx = dP$, quæ suggerit $x dx \sqrt{1+pp} = \frac{p^2 x dx + y p dx}{\sqrt{1+pp}} + \frac{y x dp}{(1+pp)^{3/2}}$, seu $x dx - y dy = \frac{y x dp}{1+pp}$, ob $dy = p dx$. Hæc est æquatio differentialis secundi gradus, & quanquam, ope idonearum substitutionum, ea ad formam simpliciter differentialem reduci potest, eo quod variables x & y ubique eundem dimensionum numerum constituunt; tamen æquatio ista differentialis ita est comparata ut neque integrari neque separari possit; deduci scilicet potest ad æquationem hujus formæ $\frac{du}{u^3} + \frac{dv}{v^3} = \frac{v dv (1+u^3)}{u^3}$. Quod cum ita sit, neque æquatio inventa $x dx - y dy = \frac{y x dp}{1+pp}$ ad formam vel simpliciore vel commodiore revocari potest; hincque nihil admodum de natura curvæ inventæ judicare licet. Interim tamen illa æquatio potentiâ duas arbitrarias constantes involvit, ex quo curva satisfaciens per bina puncta data duci potest.

EXEM-

E X E M P L U M VII.

38. *Invenire curvam, in qua sit* $f(xx + yy)^n dx \sqrt{(1 + pp)}$ *maximum vel minimum.*

Cum hinc sit $Z = (xx + yy)^n \sqrt{(1 + pp)}$, erit $dZ =$
 $2n(xx + yy)^{n-1} (x dx + y dy) \sqrt{(1 + pp)} + \frac{(xx + yy)^n p dp}{\sqrt{(1 + pp)}}$,

ergo $N = 2n(xx + yy)^{n-1} y \sqrt{(1 + pp)}$ & $P = \frac{(xx + yy)^n p}{\sqrt{(1 + pp)}}$;

ex quo pro curva quaesita ista habebitur æquatio

$$2n(xx + yy)^{n-1} y dx \sqrt{(1 + pp)} = d \frac{(xx + yy)^n p}{\sqrt{(1 + pp)}} =$$

$$\frac{2n(xx + yy)^{n-1} p (x dx + y dy)}{\sqrt{(1 + pp)}} + \frac{dp (xx + yy)^n}{(1 + pp)^{3/2}}, \text{ quæ per}$$

$(xx + yy)^{n-1}$ *divisa, ac per* $\sqrt{(1 + pp)}$ *multiplicata, abit in*

$$2n y dx = 2n x dy + \frac{(xx + yy) dp}{1 + pp} \text{ seu } \frac{2n (y dx - x dy)}{xx + yy}$$

$$= \frac{dp}{1 + pp}. \text{ Hujus æquationis utrumque membrum integra-}$$

bile est per quadraturam circuli, fitque integrale $2n A \text{ tang. } \frac{x}{y}$

$$= A \text{ tang. } p + A \text{ tang. } k = A \text{ tang. } \frac{p + k}{1 - pk}; \text{ unde fiet } \frac{x}{y} =$$

$$\text{tang. } \frac{1}{2n} A \text{ tang. } \frac{k + p}{1 - kp} = T; \text{ eritque } T \text{ functio algebraica ip-}$$

sius p , dummodo sit $2n$ numerus rationalis. Cum ergo sit x

$$= Ty, \text{ seu } y = \frac{x}{T}, \text{ erit } dy = p dx = \frac{dx}{T} - \frac{x dT}{T^2}, \text{ sive } x dT$$

$$= T dx - p T dx; \text{ ideoque } \frac{dx}{x} = \frac{dT}{T - pT} + \frac{T dp}{1 - pT}$$

$$- \frac{T dp}{1 - pT}; \text{ unde prodit } l x = l \frac{T}{1 - pT} - \int \frac{T dp}{1 - pT}, \text{ quæ qui-}$$

dem ad construendam curvam abunde satisfaciunt. Verum ut harum curvarum, quæ pro definitis exponentis n valoribus procedunt, natura melius cognoscatur, Casus nonnullos contemplantur.

I. Sit $n = \frac{1}{2}$, & $2n = 1$; erit $A \text{ tang. } \frac{x}{y} = A \text{ tang. } \frac{k + p}{1 - kp}$;

ideoque $\frac{x}{y} = \frac{k+p}{1-kp} = \frac{kdx+dy}{dx-kdy}$, seu $x dx - kx dy = ky dx + y dy$; quæ integrata præbet $x^2 - y^2 = 2kxy + C$; quæ est æquatio pro Hyperbola æquilatera.

II. Sit $n=1$, & $2n=2$; erit $2A \text{ tang. } \frac{x}{y} = A \text{ tang. } \frac{k+p}{1-kp}$, seu $A \text{ tang. } \frac{2xy}{yy-xx} = A \text{ tang. } \frac{k+p}{1-kp}$; unde fit $\frac{2xy}{yy-xx} = \frac{kdx+dy}{dx-kdy}$, seu $2xy dx - 2kxy dy = kyy dx - kxx dx + yy dy - xxdy$; quæ integrata dat $y^2 x^2 = ky^2 x - \frac{1}{2} kx^2 + \frac{1}{2} y^3 + C$, five $y^3 + 3ky^2 x - 3yx^2 - kx^3 = C$.

III. Sit $n=\frac{3}{2}$, seu $2n=3$; erit $3A \text{ tang. } \frac{x}{y} = A \text{ tang. } \frac{3y^2 x - x^3}{y^3 - 3yx^2} = A \text{ tang. } \frac{kdx+dy}{dx-kdy}$; hincque $3y^2 x dx - 3ky^2 x dy - x^3 dx + kx^3 dy = ky^3 dx + y^3 dy - 3kyx^2 dx - 3yx^2 dy$; quæ integrata dat $\frac{3}{2} y^2 x^2 - ky^3 x - \frac{1}{4} x^4 + kyx^3 - \frac{1}{4} y^4 = C$, seu $y^4 + 4ky^3 x - 6y^2 x^2 - 4kyx^3 + x^4 = C$.

Ex his jam casibus colligi poterit æquatio integralis pro valore quocunque ipsius n . Cum enim fit $2nA \text{ tang. } \frac{x}{y} = A \text{ tang. } \frac{2ny^{2n-1}x - x^{2n}}{y^{2n} - 3x^2}$ + &c.

$$\frac{2ny^{2n-1}x - x^{2n}}{y^{2n} - 3x^2} = \frac{2n(2n-1)(2n-2)}{1 \cdot 2 \cdot 3} y^{2n-4} x^2 + \text{\&c.}$$

$$\frac{y^{2n} - \frac{2n(2n-1)}{1 \cdot 2} y^{2n-2} x^2 + \frac{2n(2n-1)(2n-2)(2n-3)}{1 \cdot 2 \cdot 3 \cdot 4} y^{2n-4} x^4 - \text{\&c.}}{(y+x\sqrt{-1})^{2n} - (y-x\sqrt{-1})^{2n}}; \text{ fiet } \frac{kdx+dy}{dx-kdy}$$

$$\frac{(y+x\sqrt{-1})^{2n} \sqrt{-1} + (y-x\sqrt{-1})^{2n} \sqrt{-1}}{(y+x\sqrt{-1})^{2n} \sqrt{-1} - (y-x\sqrt{-1})^{2n} \sqrt{-1}}; \text{ quæ reducta præ-$$

bet $kdx(y+x\sqrt{-1})^{2n} \sqrt{-1} + kdx(y-x\sqrt{-1})^{2n} \sqrt{-1}$
 $+ kdy(y+x\sqrt{-1})^{2n} - kdy(y-x\sqrt{-1})^{2n}$
 $= dy(y+x\sqrt{-1})^{2n} \sqrt{-1} + dy(y-x\sqrt{-1})^{2n} \sqrt{-1}$
 $- dx(y+x\sqrt{-1})^{2n} + dx(y-x\sqrt{-1})^{2n}$ cujus integrale est

est $k(y+x\sqrt{-1})^{2n+1} - k(y-x\sqrt{-1})^{2n+1} = \frac{1}{\sqrt{-1}}(y+x\sqrt{-1})^{2n+1} - \frac{1}{\sqrt{-1}}(y-x\sqrt{-1})^{2n+1} + C$, seu $C = (y+x\sqrt{-1})^{2n+1}(k\sqrt{-1}+1) + (y-x\sqrt{-1})^{2n+1}(1-k\sqrt{-1})$. At est generaliter $(y+x\sqrt{-1})^{2n+1} + (y-x\sqrt{-1})^{2n+1} = 2(yy+xx)^{(2n+1):2} \cos. 2n A \text{ tang. } \frac{x}{y}$, atque

$$\frac{(y+x\sqrt{-1})^{2n+1} - (y-x\sqrt{-1})^{2n+1}}{\sqrt{-1}} = 2(yy+xx)^{(2n+1):2}$$

fin. $2n A \text{ tang. } \frac{x}{y}$. Quibus valoribus substitutis, prodibit æquatio integralis ab imaginariis libera hæc $2k(yy+xx)^{(2n+1):2}$ fin. $2n A \text{ tang. } \frac{x}{y} = 2(yy+xx)^{(2n+1):2} \cos. 2n A \text{ tang. } \frac{x}{y} + C$: vel, ob constantes arbitrarias k & C , ista $C = (yy+xx)^{(2n+1):2} (k \text{ fin. } 2n A \text{ tang. } \frac{x}{y} + b \text{ cos. } 2n A \text{ tang. } \frac{x}{y})$, quæ æquatio semper est algebraïca, dummodo fuerit n numerus rationalis. Vel si arcus quidam circularis arbitrarius ponatur $=g$, curva quæsitæ hujusmodi æquatione $C = (yy+xx)^{(2n+1):2} \sin(g + 2n A \text{ tang. } \frac{x}{y})$ exprimi potest; posito radio circuli, quem hic contemplamur, $=1$.

S C H O L I O N I I I.

39. Si ergo, inter omnes curvas eidem abscissæ respondentibus, ea debeat inveniri, in qua sit $\int Z dx$ maximum vel minimum, existente Z functione ipsarum x, y & p , ita ut sit $dZ = Mdx + Ndy + Pdp$; pro curva quæsitæ ista habebitur æquatio

$N -$

$N - \frac{dP}{dx} = 0$. Quoniam autem in Problemate præcedente annotavimus, si Z tantum fuerit functio ipsarum x & y , tum Methodo vulgari solutionem absolvi posse: nam ut $\int Z dx$ fit maximum minimumve, etiam $Z dx$, ac proinde Z tale esse oportet, respectu ad x habito; & hanc ob rem differentiale ipsius dZ , sumto x constante, nihilo æquale positum dabit æquationem pro curva quæsitâ. Similiis Methodus succederet in præfente Problemate, si modo in differentiali ipsius Z , quod oritur posito x constante, atque est $Ndy + Pdp$, ratio inter differentialia dy & dp pateret, ut per dy divisio institui, atque valor finitus nihilo æquandus erui posset. Cum autem istam relationem inter dy & dp , sine qua Methodus maximorum & minimorum vulgaris adhiberi nequit, a priori definire etiamnum non liceat, poterimus eam a posteriori assignare: Quia enim inventa est æquatio pro curva quæsitâ hæc $N - \frac{dP}{dx} = 0$; intelligitur, hanc ex illa $Ndy + Pdp$, seu $N + \frac{Pdp}{dy}$ oriri potuisse, si constitisset esse $-\frac{dP}{dx} = \frac{Pdp}{dy}$, seu $0 = dP + \frac{Pdp}{p}$; ob $dy = p dx$. Quocirca ratio illa inter differentialia dy & dp ita erit comparata, ut contineatur æquatione $p dP + P dp = 0$; quæ proprietates ad hanc redit ut considerari debeat Pp tanquam constans. Hinc ad Problemata resolvenda, in quibus curva quaritur habens valorem formulæ $\int Z dx$ maximum vel minimum, existente $dZ = M dx + N dy + P dp$; valor ipsius Z debet differentiri, atque in differentiali $M dx + N dy + P dp$, loco $M dx$ poni debeat 0 , $N dy$ immutatum relinqui, tum vero loco $P dp$ scribi $-p dP$; & id quod emergit nihilo æquale poni. Hoc enim pacto obtinebitur $N dy - p dP = 0$; quæ æquatio, ob $dy = p dx$, transit in hanc $N - \frac{dP}{dx} = 0$; quæ est ea ipsa quam invenimus. Desideratur itaque Methodus a resolutione geometrica & lineari libera, qua pateat in tali investigatione maximi minimive loco $P dp$ scribi debere $-p dP$.

P R O.

PROPOSITIO IV. PROBLEMA.

40. Si Z fuerit functio ipsarum x, y, p & q , ita ut sit $dZ = Mdx + Ndy + Pdp + Qdq$; invenire, inter omnes curvas eidem abscissa respondentes, eam in qua sit $\int Z dx$ maximum vel minimum.

S O L U T I O.

Valor formulæ integralis $\int Z dx$ evolvitur in binas has series $Z dx + Z' dx + Z'' dx + Z''' dx + \&c.$ & $Z, dx + Z, dx + Z, dx + \&c.$ quarum aggregatum maximum erit vel minimum, si singulorum terminorum valores differentiales, qui oriuntur augendo applicatam y' particula $n v$, colligantur, & nihilo æquentur. Tali autem applicatæ y' incremento mutationem patiuntur litteræ $y'; p, p'; q, q, q'$; adeoque ii tantum termini in quibus istæ litteræ insunt, hoc est termini $Z, dx, Z dx$ & $Z' dx$. Ad horum terminorum augmenta, ex translatione puncti n in v orta, invenienda, differentientur ii, eritque

$$d. Z' dx = dx (M' dx + N' dy + P' dp + Q' dq)$$

$$d. Z dx = dx (M dx + N dy + P dp + Q dq)$$

$$d. Z, dx = dx (M, dx + N, dy + P, dp + Q, dq)$$

Jam vero, quia abscissa x ab illa translatione non afficitur, ponendum est ubique $dx = 0$: deinde vero reliquorum differentialium valores ex translatione puncti n in v orti, per primam hujus Capituli Propositionem ita se habebunt:

$$\begin{array}{l} dy' = + n v \\ dy = 0 \\ dy, = 0 \end{array} \left| \begin{array}{l} dp' = - \frac{n v}{dx} \\ dp = + \frac{n v}{dx} \\ dp, = 0 \end{array} \right| \begin{array}{l} dq = + \frac{n v}{dx^2} \\ dq = - \frac{2n v}{dx^2} \\ dq, = + \frac{n v}{dx^2} \end{array}$$

His differentialium per n , expressorum valoribus substitutis, prodibit sequens valor differentialis, n . dx $(N - \frac{P'}{dx} + \frac{P}{dx} + \frac{Q'}{dx^2} - \frac{2Q}{dx^2} + \frac{Q_2}{dx^2}) = n$. dx $(N - \frac{dP}{dx} + \frac{ddQ_1}{dx^2}) = n$. dx $(N - \frac{dP}{dx} + \frac{ddQ_2}{dx^2})$ ob $ddQ_1 = ddQ_2$. Quamobrem pro curva quaesita ista habebitur æquatio $N - \frac{dP}{dx} + \frac{ddQ}{dx^2} = 0$.
Q. E. I.

COROLL. I.

41. Quod si ergo in maximi minimive formula $\int Z dx$ insint etiam differentialia secundi gradus, seu, quod idem est, si Z fuerit functio ipsarum x, y, p & q ; ita ut sit $dZ = M dx + N dy + P dp + Q dq$; æquatio pro curva quaesita erit $N - \frac{dP}{dx} + \frac{ddQ}{dx^2} = 0$; quæ facile ex differentiali ipsius Z formabitur.

COROLL. II.

42. Si quantitas Q ipsa involvit q vel differentio-differentiale ipsius y ; tum ddQ continebit differentialia quarti ordinis, in hocque genere erit æquatio pro curva inventa. Ex quo curva satisfaciens per quatuor data puncta traduci poterit.

COROLL. III.

43. Si igitur in Q contineatur q , tum Problema ita determinate proponendum erit, ut inter omnes curvas per quatuor data puncta ductas ea definiatur, in qua $\int Z dx$ sit maximum vel minimum.

SCHOLIUM I.

44. Ponamus in Q non contineri q , ut investigemus cujusnam
nam

nam gradus futura fit æquatio differentialis resultans. Accidit autem hoc, si maximi minimive formula proposita fuerit hujusmodi $\int Zq dx$, existente Z functione tantum ipsarum x , y & p : ita ut sit $dZ = Mdx + Ndy + Pdp$. Hinc igitur erit $d.Zq = Mqdx + Nqdy + Pqdp + Zdq$: unde pro curva quæsitâ oriatur æquatio hæc $0 = Nq - \frac{Pdq + qdP}{dx} + \frac{dMdx + dNdy + Nddy + Pd dp + dPdp}{dx^2}$, seu $0 = 2Nq + \frac{dM + p dN}{dx}$, vel $0 = 2Ndp + dM + p dN$: quæ æquipollet tantum æquationi differentialis secundi gradus, propter $dp = \frac{dy}{dx}$ quod inest. Si igitur curva desideretur, in qua sit $\int Zq dx$ maximum vel minimum, existente Z functione ipsarum x , y & p , atque $dZ = Mdx + Ndy + Pdp$; pro curva quæsitâ habebitur æquatio $0 = dM + 2Ndp + p dN$.

C O R O L L. IV.

45. Ut revertamur ad æquationem inventam $N - \frac{dP}{dx} + \frac{ddQ}{dx^2} = 0$; patet eam fore generaliter integrabilem si sit $N = 0$, hoc est si in Z non contineatur y ; prodibit enim integrando $C - P + \frac{dQ}{dx} = 0$. Si insuper sit $P = 0$, altera integratio succedit, qua prodit $Cx + D - Q = 0$.

C O R O L L. V.

46. Si sit $M = 0$, pariter una integratio in genere succedit: cum enim sit $dZ = Ndy + Pdp + Qdq$; multiplicetur æquatio $N - \frac{dP}{dx} + \frac{ddQ}{dx^2} = 0$ per dy , seu pdx , habebitur $Ndy - p dP + \frac{p d dQ}{dx} = 0$. Addatur $dZ - Ndy - Pdp - Qdq$

H 2

Qdq

$Qdq = 0$, orietur $dZ - p dP - P dp + \frac{p ddQ}{dx} - Qdq = 0$;
 = 0; cujus integrale est $Z - Pp + \frac{p dQ}{dx} - Qq = C$.

C O R O L L. VI.

47. Si fuerit & $M = 0$ & $N = 0$; erit primo, ob $N = 0$, ut supra, $C - P + \frac{dQ}{dx} = 0$. Deinde cum fit $dZ = Pdp + Qdq$, multiplicetur illa æquatio per dp , seu $q dx$, erit $Cdp - Pdp + q dQ = 0$: addatur $Pdp + Qdq - dZ = 0$; prodibit $Cdp + Qdq + q dQ - dZ = 0$, cujus integralis est $Cp + D + Qq - Z = 0$.

S C H O L I O N II.

48. Si nexum æquationis inventæ pro curva quæsita, quæ habeat $\int Z dx$ maximum minimumve, cum differentiali ipsius Z inspiciamus; determinare licebit relationem inter differentia dy , dp & dq , ut differentiale ipsius Z nihilo æquale positum, præbeat æquationem pro curva quæsita. Cum enim fit $dZ = Mdx + Ndy + Pdp + Qdq$; comparetur cum hac forma æquatio pro curva, $N - \frac{dP}{dx} + \frac{ddQ}{dx^2} = 0$, seu hæc per $dy = p dx$ multiplicata, quæ erit $Ndy - p dP + \frac{p ddQ}{dx} = 0$; unde patet, in differentiali ipsius Z , loco Mdx scribi debere 0, at terminum Ndy invariatum relinqui, porro loco Pdp scribendum esse $-p dP$, ac loco Qdq poni debere $\frac{p ddQ}{dx}$. Verum quoad hæc a priori pateant, præstabit formam æquationis inventæ retinere, quippe quæ facile memoria teneri potest. Cæterum notandum est Problemata huc pertinentia omnino esse nova, neque adhuc ab iis qui alias de hoc argumento scripserunt pertractata. Alias enim Scriptores maximi minimive formulas contemplari non consueverunt, nisi in quibus ad summum dif-

fereret.

ferentialia coordinatarum primi gradus inessent. Quamobrem eo magis erit operæ pretium naturam hujusmodi Problematum accuratius indagare, atque inprimis ostendere, quomodo curvæ satisfaciennes quatuor puncta, per quæ transeant, ad sui determinationem admittant. Hunc in finem sequentia Exempla adjicere visum est; atque in singulis indicare, quæ ad majorem illustrationem facere poterunt.

E X E M P L U M I.

49. Invenire curvam, in qua sit $\int \frac{y^n d dy}{x^m d y}$ maximum vel minimum.

Ista maximi minimive formula, ope substitutionum $dy = p dx$, & $ddy = q dx^2$, abit in hanc $\int \frac{y^n q dx}{x^m p}$; quæ cum sit similis formulæ §. 44 tractatæ $\int Z q dx$, ubi in Z tantum x, y & p contineri posuimus, fiet, comparatione instituta, $Z = \frac{y^n}{x^m p}$,

$$\& dZ = - \frac{m y^n dx}{x^{m+1} p} + \frac{n y^{n-1} dy}{x^m p} - \frac{y^n dp}{x^m p^2}; \text{ unde erit } M \\ = - \frac{m y^n}{x^{m+1} p}, \& N = \frac{n y^{n-1}}{x^m p}; \text{ hincque } Np = \frac{n y^{n-1}}{x^m}.$$

Cum igitur pro curva quæsita, inventa sit hæc æquatio $0 = dM + 2 N dp + p dN = dM + N dp + d.Np$, habebimus

pro nostro casu hanc æquationem $0 = \frac{m(m+1)y^n dx}{x^{m+2} p} -$

$$\frac{m n y^{n-1} dy}{x^{m+1} p} + \frac{m y^n dp}{x^{m+1} p p} + \frac{n y^{n-1} dp}{x^m p} + \frac{n(n-1) y^{n-2} dy}{x^m}$$

$$\frac{mny^{n-1} dx}{x^{m+1}} : \text{quæ multiplicata per } \frac{x^{m+1} p^2}{y^{n-1}}$$
 mutatur in hanc

$$0 = m(m+1) y dy - mn x p dy + m x y dp + n x^2 p dp + \frac{n(n-1) x^3 p^2 dy}{y} - mn x p dy,$$
 seu $0 = m(m+1) y^2 dy - 2 m n x y p dy + n(n-1) x^2 p^2 dy + m x y^2 dp + n x^2 y p dp :$
 quæ est æquatio differentialis secundi gradus, quæ, posito $y = \int v dx$
 reducetur ad istam primi gradus $m(m+1) v dx + m x dv - m(2n-1) x v^2 dx + n x^2 v dv + n^2 x^2 v^3 dx = 0$. Quod
 si autem ponamus $m = 0$, ita ut maximum minimumve esse
 debeat $\int \frac{y^n ddy}{dy}$; habebitur hæc æquatio $(n-1) p dy + y dp = 0$,
 quæ integrata dabit $y^{n-1} p = C$, seu $y^{n-1} dy = C dx$;
 hæcque denuo integrata præbet $y^n = Cx + D$. Sin autem ponamus
 $n = 0$, ita ut maximum minimumve esse debeat hæc formula
 $\int \frac{d dy}{x^m dy}$; erit $(m+1) dy + x dp = 0$, seu $(m+1) p dx + x dp = 0$,
 cujus integrale est $x^{m+1} p = C$, seu $dy = C x^{-m-1} dx$;
 quæ denuo integrata dat $y = \frac{C}{x^m} + D$. Patet autem in

his curvis inventis formulam propositam fieri maximum, non
 vero minimum; nam si sumatur linea recta, ob $d dy = 0$, manifestum
 est valorem formulæ propositæ minorem fore pro recta linea quam
 pro curvis inventis.

SCHOLIUM III.

50. Ratio hîc assignari potest, cur hujusmodi quæstiones, in
 quibus $\int Z q dx$ maximum minimumve esse debet, deducant
 tantum ad æquationem differentialem secundi gradus, ideoque
 quæstionibus præcedentis Problematis potius sint adnumerandæ,
 siquidem Z fuerit functio ipsarum x & y & p . Nam per re-
 ductio-

ductionem integralium formula $\int Zq dx$, seu $\int \frac{Zddy}{dx}$, reduci potest ad talem formam $\mathbf{T} + \int V dx$, in qua \mathbf{T} & V sint functiones ipsarum x , y & p tantum, non amplius involventes q . Cum igitur \mathbf{T} sit quantitas absoluta, atque idcirco in maximi minimive inquisitionem non cadat, formula $\int Zq dx$ fiet maxima vel minima, si $\int V dx$ talis reddatur; adeo ut hujusmodi formulæ $\int Zq dx$ reduci queant ad præcedentis Problematum statum; unde mirum non est, quod pro curvis satisfaciendis æquatio differentialis secundi gradus duntaxat reperitur. Quo autem memorata reductio formulæ $\int Zq dx$ seu $\int Zdp$ ad $\mathbf{T} + \int V dx$ melius percipiatur; ponamus, cum \mathbf{T} sit functio ipsarum x , y & p , esse $d\mathbf{T} = \rho dx + \sigma dy + \tau dp = (\rho + \sigma p) dx + \tau dp$; & ex æqualitate $\int Zdp = \mathbf{T} + \int V dx$, erit $Zdp = (\rho + \sigma p) dx + \tau dp + V dx$; unde concluditur $\tau = Z$ & $V = -\rho - \sigma p$. Quamobrem ipsa hæc reductio sequenti modo instituetur; integretur formula Zdp positis x & y constantibus, & integrale erit functio ipsarum x , y & p , quæ vocetur \mathbf{F} . Deinde differentietur hæc functio \mathbf{T} , ponendo p constans, & differentiale negative sumtum dabit $V dx$, eritque V functio ipsarum x , y & p non continens q . Quoties igitur reddi debet hujusmodi formula $\int Zq dx$ maximum minimumve, ac Z est functio ipsarum x & y & p ; tum quæstio, etiamsi videatur ad præsens Problema pertinere, tamen statim ad Problema præcedens reducetur. Ita si sumamus formulam $\int \frac{y^n ddy}{dy}$, seu $\int \frac{y^n dp}{p}$; hæc facile transformatur in $y^n lp - n \int y^{n-1} dy lp$; unde maximum vel minimum esse debet hæc formula $\int y^{n-1} dy lp$, seu $\int y^{n-1} p dx lp$, quæ per præcedens Problema tractata, dabit $Z = y^{n-1} p lp$, & $dZ = (n-1)y^{n-2} dy p lp + y^{n-1} dp (1+lp)$; eritque $M = 0$, $N = (n-1)y^{n-2} p lp$ & $P = y^{n-1} (1+lp)$. At ob $M = 0$, supra §. 30 pro curva quæsitâ inventa est hæc æquatio $Z + C = P p$, quæ ad nostrum casum accommodata præbet

bet $y^{n-1} p l p + C = y^{n-1} p + y^{n-1} p l p$, five $y^{n-1} p = C$; quæ est ea ipsa æquatio, quam ante pro eodem casu in solutione Exempli invenimus. Hanc ob rem ad Exempla huic Problemati propria progrediamur.

E X E M P L U M II.

Fig. 5. 51. Invenire curvam $A m$, qua cum sua evoluta AR & radio osculi mR in quovis loco applicato, minimum spatium $AR m$ includat.

Positis abscissa $A M = x$, applicata $M m = y$; erit radius osculi $mR = \frac{(1+pp)^{3/2}}{q}$; area autem $AR m$ est $= \int \frac{1}{2} mR. dx \sqrt{1+pp}$; ex qua minimum esse oportet hanc formulam $\int \frac{(1+pp)^2 dx}{q}$. Erit itaque $Z = \frac{(1+pp)^2}{q}$, & $dZ = \frac{4(1+pp)p dp}{q} - \frac{(1+pp)^2 dq}{qq}$; unde fit $M = 0$, $N = 0$, $P = \frac{4(1+pp)p}{q}$, & $Q = -\frac{(1+pp)^2}{qq}$. Cum nunc fit $M = 0$ & $Z = 0$; erit, per Coroll. 6, æquatio pro curva quæsitæ $Z = D + Cp + Qq$, seu $\frac{(1+pp)^2}{q} = D + Cp - \frac{(1+pp)^2}{q}$, hoc est $2(1+pp)^2 = Dq + Cpq$. Quoniam porro est $dp = q dx$, seu $q = \frac{dp}{dx}$, erit $2dx = \frac{(D+Cp) dp}{(1+pp)^2}$, cujus integrale est $x = \frac{a}{1+pp} + 2b \int \frac{dp}{(1+pp)^2} = \frac{a+bp}{1+pp} + b \int \frac{dp}{1+pp} + c$: mutatis pro lubitu constantibus, habebitur $x = \frac{a+bp+cpp}{1+pp} + b A \text{ tang. } p$. Deinde quia est $dy = p dx$, erit $y = \int p dx = p x - \int x dp$; ideoque $y = \frac{ap+bp^2+cpp}{1+pp} + bp A \text{ tang. } p - \int \frac{(a+bp+cpp) dp}{1+pp} - b \int \frac{dp}{1+pp}$ A tang. p

$$A \text{ tang. } p = \frac{ap + bp^2 + cp^3}{1 + pp} = \int \frac{(a + cpp) dp}{1 + pp}, \text{ ob } b f d p \text{ } A \text{ tang. } p$$

$$= b p \text{ } A \text{ tang. } p = b f \int \frac{p dp}{1 + pp}. \text{ Hinc erit } y = f + \frac{ap + bp^2 + cp^3}{1 + pp}$$

$$+ (c - a) \text{ } A \text{ tang. } p = c p = \frac{f + (a - c) p + (b + f) pp}{1 + pp}$$

+ (c - a) A tang. p. Atque ex his quidem ipsarum x & y valoribus per p inventis, curva quaesita per data quatuor puncta duci atque construi potest. Verum ut ipsa curva qualis sit cognoscatur, eli-

$$\text{minetur } A \text{ tang. } p; \text{ eritque } A \text{ tang. } p = \frac{x}{b} = \frac{\frac{a}{b} - p - \frac{c}{b} pp}{1 + pp}$$

$$= \frac{y}{c - a} = \frac{\frac{f}{c - a} + p - \frac{(b + f)}{c - a} pp}{1 + pp}; \text{ atque hinc } (c - a)x - by$$

$$= \frac{(ac - aa - bf) + 2b(c - a)p + (cc - ac - bb - bf) pp}{1 + pp}.$$

Quoniam autem ipsa curva non mutatur, etiamsi coordinatae constante quantitate vel augeantur vel diminuuntur, erit

$$(c - a)x - by = \frac{bb - (c - a)^2 + 2b(c - a)p}{1 + pp}; \text{ posito-}$$

$$\text{que } a \text{ loco } c - a, \text{ habebitur } ax - by = \frac{bb - aa + 2abp}{1 + pp};$$

$$\& \text{ subtracta constante } bb, \text{ erit } ax - by = \frac{-aa + 2abp - bbp}{1 + pp}$$

$$\text{hincque } \sqrt{(by - ax)} = \frac{bp - a}{\sqrt{(1 + pp)}}. \text{ Ponatur arcus curvae}$$

= w; erit dw = dx sqrt(1 + pp); unde emerget ista aequatio

$$dw = \frac{bdy - adx}{\sqrt{(by - ax)}}; \text{ atque porro } w = 2\sqrt{(by - ax)}. \text{ Ex-}$$

primit autem by - ax multipulum abscissae super alio quodam axe fixo assumtae, cui adeo quadratum arcus respondentis est proportionale. Ex quo intelligitur curvam quaesito respondentem esse Cycloidem, quae per quatuor data puncta determinatur, atque sic descripta inter omnes alias curvas per eadem quatuor puncta ductas, minimum cum sua evoluta concludit spatium.

Conclusio hæc ideo aliquantum difficilior facta est, quod Cyclois pro recta quacunque instar axis assumpta quæsito satisfaciatur, atque æquatio pro axe quocunque admodum fiat intricata. Si autem vel a vel b posuissimus $= 0$, quo quidem extensio solutionis non fuisset restricta; æquatio pro Cycloide statim prodisset.

E X E M P L U M III.

52. Invenire curvam, in qua sit $\int \rho^n dW$, denotante ρ radium osculi, & dW elementum curvæ, maximum vel minimum.

Per positiones ante factas est $dW = dx \sqrt{(1+pp)}$ & $\rho = \frac{(1+pp)^{3:2}}{q}$; unde maximi minimive formula erit $\int \frac{(1+pp)^{(3n+1):2} dx}{q^n}$

$$\text{hincque fit } Z = \frac{(1+pp)^{(3n+1):2}}{q^n} \quad \& \quad dZ = \frac{(3n+1)(1+pp)^{(3n-1):2} p dp}{q^n} - \frac{n(1+pp)^{(3n+1):2} dq}{q^{n+1}}$$

Quamobrem erit $M = 0$, $N = 0$, $P = \frac{(3n+1)(1+pp)^{(3n-1):2}}{q^n} p$;

& $Q = -\frac{n(1+pp)^{(3n+1):2}}{q^{n+1}}$. Cum autem sit $M = 0$

& $N = 0$, erit, per §. 47, $Z = Cp + D + Qq$; ideoque

$$\frac{(1+pp)^{(3n+1):2}}{q^n} = Cp + D - \frac{n(1+pp)^{(3n+1):2}}{q^n}, \text{ seu}$$

$$(n+1)(1+pp)^{(3n+1):2} = (Cp + D) q^n; \text{ atque}$$

$$\text{hinc } q = \frac{(1+pp)^{(3n+1):2n}}{\sqrt[n]{(C+Dp)}} = \frac{dp}{dx}; \text{ ergo } dx = \frac{dp}{\sqrt[n]{(C+Dp)}}$$

$$dp \sqrt[3]{\frac{C + Dp}{(1 + pp)^{(3n+1):2}}}, \text{ atque } dy = p dp \sqrt[3]{\frac{C + Dp}{(1 + pp)^{(3n+1):2}}}.$$

Hic autem merito suspicari licet, æquationem futuram esse simpliciore, si alius axis accipiatur. Hanc ob rem concipiamus alium axem in quo abscissa fit = t , applicata = v ; fitque

$$dv = s dt; \text{ ac ponatur } x = \frac{\alpha t + \beta v}{\gamma} \text{ \& } y = \frac{\beta t - \alpha v}{\gamma},$$

$$\text{posito } \gamma = \sqrt{(\alpha^2 + \beta^2)}. \text{ Erit ergo } dx = \frac{\alpha dt + \beta s dt}{\gamma}$$

$$\text{\& } dy = \frac{\beta dt - \alpha s dt}{\gamma} \text{ atque } \frac{dy}{dx} = p = \frac{\beta - \alpha s}{\alpha + \beta s}, \text{ \&}$$

$$(1 + pp) = \frac{\gamma^2 (1 + ss)}{(\alpha + \beta s)^2}, \text{ \& } dp = - \frac{\gamma \gamma ds}{(\alpha + \beta s)^2}.$$

$$\text{Porro autem erit } C + Dp = \frac{\alpha C + \beta D + s(\beta C - \alpha D)}{\alpha + [\beta]s}, \text{ \&}$$

$$(1 + pp)^{(3n+1):3n} = \frac{\gamma^{(3n+1):n} (1 + ss)^{(3n+1):2n}}{(\alpha + \beta s)^{(3n+1):n}}.$$

$$\text{His substitutis, erit } dx = \frac{\alpha dt + \beta dv}{\gamma} = \frac{\alpha(\alpha + \beta s) ds}{(1 + ss)^{(3n+1):2n}},$$

$$\text{posito } \beta C = \alpha D, \text{ \& mutata constante. Porro autem fit } dy = \frac{\beta dt - \alpha dv}{\gamma} = \frac{\alpha(\beta - \alpha s) ds}{(1 + ss)^{(3n+1):2n}},$$

$$\text{\& conjunctim prodit } dt = \frac{\alpha ds}{(1 + ss)^{(3n+1):2n}}, \text{ \& } dv = \frac{\alpha s ds}{(1 + ss)^{(3n+1):2n}}.$$

$$\text{Cum nunc has coordinatas æque } x \text{ \& } y \text{ appellare possimus ac præcedentes, fiet } s = p, \text{ atque } dx = \frac{\alpha dp}{(1 + pp)^{(3n+1):2n}}, \text{ \& } dy =$$

$$\frac{\alpha p dp}{(1 + pp)^{(3n+1):2n}}, \text{ quæ ex præcedentibus oriuntur, si ibi po-}$$

natur $D = 0$: ex quo perspicuum est, latitudini solutionis superioris, in qua inerat $C + Dp$, nihil omnino decedere, etsi ponatur $D = 0$. Eadem scilicet prodit linea curva, quicumque

valor litteræ D tribuatur, etiam si alia æquatio inter x & y proveniat; verumtamen ad alium axem relata. Notare interim convenit pluribus casibus curvam algebraicam satisfacere; quorum quasi primus est si $n = \frac{1}{2}$, quo erit $x = \int \frac{a dp}{(1+pp)^{5:2}} = \frac{ap(1+\frac{2}{3}pp)}{(1+pp)^{3:2}}$, & $y = \int \frac{ap dp}{(1+pp)^{5:2}} = -\frac{\frac{1}{3}a}{(1+pp)^{3:2}}$; unde fiet $(1+pp)^{3:2} = -\frac{a}{3y}$ & $pp = \sqrt[3]{\frac{aa}{9yy}} - 1$, quibus substitutionis resultat $x = (2\sqrt[3]{\frac{aa}{9yy}} + y)\sqrt{(\sqrt[3]{\frac{aa}{9yy}} - 1)}$, æquatio algebraica pro curva, casu quo est $n = \frac{1}{2}$.

E X E M P L U M I V.

53. *Invenire curvam, in qua sit valor hujus formulæ $\int \frac{y dy dx^2}{d dy}$ omnium minimus.*

Patet primo maximum locum habere non posse, quia in linea recta fit $ddy = 0$; ideoque valor formulæ propositæ infinite magnus. Quamobrem videndum est in quanam linea curva fiat valor formulæ $\int \frac{y dy dx^2}{d dy}$ minimus. Hæc autem formula per substitutiones nostras abit in hanc $\int \frac{yp dx}{q}$; eritque $Z = \frac{yp}{q}$, & $dZ = \frac{p dy}{q} + \frac{y dp}{q} - \frac{yp dq}{qq}$; erit ergo $M = 0$, $N = \frac{p}{q}$, & $P = \frac{y}{q}$, & $Q = -\frac{yp}{qq}$. Quoniam autem est $M = 0$; curva quæ sita sequenti exprimetur æquatione $Z - Pp - Qq + \frac{p dQ}{dx} = C$, ut Coroll. 5 est ostensum. Quamobrem ista proveniet æquatio $\frac{yp}{q} - \frac{p}{dx} d \cdot \frac{yp}{qq} = C$, seu $\frac{y dy}{pq} + \frac{adx}{p} = \frac{p dy}{qq} + \frac{y dp}{qq} - \frac{2yp dq}{q^3}$, ob $dy = p dx$. Quia vero est $dp = q dx$, erit

erit $\frac{y dp}{qq} = \frac{y dx}{q} = \frac{y dy}{pq}$; ideoque $\frac{a dx}{p} = \frac{p dy}{qq} = \frac{2yp dq}{q^3}$, vel $\frac{a dp}{pp} = \frac{dy}{q} = \frac{2y dq}{qq}$. Si ponatur constans $a = 0$, hæc æquatio fiet integrabilis, eritque $y = bqq$ & $q = \sqrt{\frac{y}{b}} = \frac{dp}{dx} = \frac{p dp}{dy}$, unde fit $p dp = dy \sqrt{\frac{y}{b}}$; atque integrando $\frac{p p}{2} = \frac{2}{3} y \sqrt{\frac{y}{b}} + c$, seu, mutatis constantibus, $pp = \frac{y\sqrt{y} + a\sqrt{a}}{b\sqrt{b}}$, & $p = \sqrt{\frac{y^{3:2} + a^{3:2}}{b^{3:2}}} = \frac{dy}{dx}$; hincque $dx = dy \sqrt{\frac{b^{3:2}}{y^{3:2} + a^{3:2}}}$. Ponatur denuo $a = 0$, erit $x = \frac{b\sqrt{c}}{\sqrt{y}}$ & $xx y = b^2 c$; quæ est æquatio maxime specialis pro curva quæstioni satisfaciente.

E X E M P L U M V.

54. *Invenire curvam, in qua sit valor hujus formulæ $\int q^n dx$, seu $\int \frac{d dy^n}{2n-1 dx}$, maximus vel minimus.*

Habetur ergo $Z = q^n$, & $dZ = nq^{n-1} dq$; unde erit $M = 0$, $N = 0$, $P = 0$, & $Q = nq^{n-1}$. Cum igitur æquatio pro curva satisfaciente sit hæc $\frac{d d Q}{dx^2} = 0$, erit $dQ = \alpha dx$ & $Q = q^{n-1} = \alpha x + \beta$; hincque $q = (\alpha x + \beta)^{1:(n-1)} = \frac{dp}{dx}$; ex quo fiet $p = (\alpha x + \beta)^{n:(n-1)} + \gamma = \frac{dy}{dx}$; & tandem $y = (\alpha x + \beta)^{(2n-1):(n-1)} + \gamma x + \delta$; ubi coefficientes per integrationes ingressos in constantibus sumus complexi. Curvæ igitur satisfacientes perpetuo sunt algebraicæ; excepto casu, quo est $n = \frac{1}{2}$, tum enim postrema integra-

tio præbebit $y = \frac{1}{\alpha} l(\alpha x + \beta) + \gamma x + \delta$. Quod ad casum $n = 1$ attinet, ille in investigationem maximorum & minimorum nequidem incurrit; cum formula $\int q dx$ non sit indeterminata, sed determinatum valorem, puta p , ob $q dx = dp$, referat. Cæterum patet, evanescente termino $(\alpha x + \beta)^{(2n-1):(n-1)}$, lineam rectam quæsito satisfacere, ob $y = \gamma x + \delta$. Scilicet si quatuor puncta data, per quæ curva quæsitæ transire debeat, sint in directum posita; tum ipsa linea recta, præ omnibus reliquis lineis per eadem quatuor puncta transeuntibus, quæsito satisfaciet.

E X E M P L U M VI.

55. *Invenire curvam, in qua sit $\int \frac{x p dx}{y q}$ maximum vel minimum.*

Quia est $Z = \frac{x p}{y q}$, erit $dZ = \frac{p dx}{y q} - \frac{x p dy}{y^2 q} + \frac{x dp}{y q} - \frac{x p dq}{y q^2}$; ideoque $M = \frac{p}{y q}$; $N = -\frac{x p}{y^2 q}$; $P = \frac{x}{y q}$, & $Q = -\frac{x p}{y q^2}$. Quorum terminorum cum nullus evanescat, æquatio pro curva quæsitæ erit $\frac{-x p}{y^2 q} - \frac{1}{dx} d. \frac{x}{y q} - \frac{1}{dx^2} d^2. \frac{x p}{y q^2} = 0$, seu $0 = \frac{x p dx^2}{y^2 q} + \frac{dx^3}{y q} - \frac{x dx dy}{y^2 q} - \frac{x dx dq}{y q^2} + d. \left(\frac{p dx}{y q^2} - \frac{x p dy}{y^2 q^2} + \frac{x dp}{y q^2} - \frac{2 x p dq}{y q^3} \right)$; vel $0 = q^2 dx^2 (3y q - 2p^2) (y - xp) - 4y q dx dq (xy q - xp^2 + yp) + 6xy^2 p dq^2 - 2xy^2 p q ddq$. Quæ est æquatio differentialis quarti ordinis, quæ utrum integrari possit, an non, haud facile patet; neque etiam operæ pretium est in modum eam integrandi diligentius inquirere; quoniam hic casus non ex solutione Problematis alicujus utilis est

natus,

natus, sed fortuito excogitatus. Hoc autem Exemplum ideo ad-
 jicere visum est, ut casus habeatur, quo solutio non solum ad
 æquationem differentialem quarti ordinis ascendit, sed etiam
 neque per subsidia generalia supra allata ad gradum inferiorem
 perducì queat. Præcedentia enim Exempla cuncta ita sunt com-
 parata, ut per regulas generales in Corollariis expositas statim
 æquatio pro curva quæsitæ inferioris gradus differentialis crui
 potuerit.

PROPOSITIO V. PROBLEMA.

56. *Invenire curvam, in qua sit valor formula $fZ dx$ maxi-
 mus vel minimus, existente Z ejusmodi functione, quæ differentia-
 lia cujusvis gradus involvat, ita ut sit $dZ = M dx + N dy$
 $+ P dp + Q dq + R dr + S ds + T dt + \&c.$*

S O L U T I O.

Quoniam translatio puncti n in v præcedentia elementa ma-
 gis afficit, quam sequentia; unicum enim sequens elementum
 afficit, at in præcedentia eo ulterius extenditur, quo altiorum
 ordinum differentia adfint; hanc ob rem expediet aliquam an-
 teriorem applicatam, uti Hh , pro prima accipere, ita ut muta-
 tio ex particula $n v$ applicatæ Nn adjecta non citra Hh por-
 rigatur; id quod eveniet si in Z differentia non ultra sextum
 ordinem ascendant. Sufficiet autem valorem ipsius dZ ad ter-
 minum $T dt$ usque extendere, quia ex ipsa solutione modus fa-
 cile colligetur eam ad quotcunque posteriores terminos accom-
 modandi. Præterea, quia in hoc Problemate præcedentia om-
 nia continentur, constabit simul solutionem perpetuo eandem
 prodire, quæcunque applicata particula quadam infinite parva,
 uti $n v$, augeatur. Sit igitur $AH = x$, & $Hh = y$, respon-
 debunt singulis punctis abscissæ H, I, K, L, M, N, O &c.
 valores litterarum p, q, r, s, t &c. ut sequitur:

H

H	$y,$	$p,$	$q,$	$r,$	$s,$	t
I	$y',$	$p',$	$q',$	$r',$	$s',$	t'
K	$y'',$	$p'',$	$q'',$	$r'',$	$s'',$	t''
L	$y''',$	$p''',$	$q''',$	$r''',$	$s''',$	t'''
M	$y^{IV},$	$p^{IV},$	$q^{IV},$	$r^{IV},$	$s^{IV},$	t^{IV}
N	$y^V,$	$p^V,$	$q^V,$	$r^V,$	$s^V,$	t^V

Hi autem singuli valores a translatione n in v sequentia augmenta accipient, quæ ex Propositione prima, debita mutatione signorum adhibita, ita se habebunt.

$$\begin{array}{l}
 dy = 0 \quad dy' = 0 \quad dy'' = 0 \quad dy''' = 0 \quad dy^{IV} = 0 \quad dy^V = + \frac{n v}{dx} \\
 dp = 0 \quad dp' = 0 \quad dp'' = 0 \quad dp''' = 0 \quad dp^{IV} = + \frac{n v}{dx} \quad dp^V = - \frac{n v}{dx} \\
 dq = 0 \quad dq' = 0 \quad dq'' = 0 \quad dq''' = + \frac{n v}{dx^2} \quad dq^{IV} = - \frac{2n v}{dx^2} \quad dq^V = + \frac{n v}{dx^2} \\
 dr = 0 \quad dr' = 0 \quad dr'' = + \frac{3n v}{dx^3} \quad dr''' = - \frac{3n v}{dx^3} \quad dr^{IV} = + \frac{3n v}{dx^3} \quad dr^V = - \frac{n v}{dx^3} \\
 ds = 0 \quad ds' = + \frac{n v}{dx} \quad ds'' = - \frac{4n v}{dx^4} \quad ds''' = + \frac{6n v}{dx^4} \quad ds^{IV} = - \frac{4n v}{dx^4} \quad ds^V = + \frac{n v}{dx^4} \\
 dt = + \frac{n v}{dx^5} \quad dt' = - \frac{5n v}{dx^5} \quad dt'' = + \frac{10n v}{dx^5} \quad dt''' = - \frac{10n v}{dx^5} \quad dt^{IV} = + \frac{5n v}{dx^5} \quad dt^V = - \frac{n v}{dx^5}
 \end{array}$$

Quoniam porro valor formulæ $\int Z dx$ abscissæ AH respondet, isque a translatione puncti n in v non mutatur, sequentibus abscissæ elementis valores formulæ $\int Z dx$ respondent, qui in hac Tabula exhibentur.

Elemento	respondet
HI	$Z dx$
IK	$Z' dx$
KL	$Z'' dx$
LM	$Z''' dx$
MN	$Z^{IV} dx$
NO	$Z^V dx$

Adho-

Ad horum valorum incrementa, ex translatione puncti n in v oriunda, invenienda, singulos hos valores differentiari, locoque differentialium dy, dp, dq, dr, ds, dt cum ipsorum derivativis valores supra assignatos & per n expressos substitui oportet: eritque ut sequitur:

$$\begin{aligned}
 d.Z dx &= n v. dx \left(\frac{T}{dx^5} \right) \\
 d.Z' dx &= n v. dx \left(\frac{S'}{dx^4} - \frac{\zeta T'}{dx^5} \right) \\
 d.Z'' dx &= n v. dx \left(\frac{R''}{dx^3} - \frac{4S''}{dx^4} + \frac{10T''}{dx^5} \right) \\
 d.Z''' dx &= n v. dx \left(\frac{Q'''}{dx^2} - \frac{3R'''}{dx^3} + \frac{6S'''}{dx^4} - \frac{10T'''}{dx^5} \right) \\
 d.Z^{IV} dx &= n v. dx \left(\frac{P^{IV}}{dx} - \frac{2Q^{IV}}{dx^2} + \frac{3R^{IV}}{dx^3} - \frac{4S^{IV}}{dx^4} + \frac{\zeta T^{IV}}{dx^5} \right) \\
 d.Z^V dx &= n v. dx \left(N^V - \frac{P^V}{dx} + \frac{Q^V}{dx^2} - \frac{R^V}{dx^3} + \frac{S^V}{dx^4} - \frac{T^V}{dx^5} \right)
 \end{aligned}$$

Quia jam hæc sola elementa a transpositione puncti n in v alterantur & incrementa capiunt, summa horum incrementorum dabit integrum valorem differentialem, quem formula $\int Z dx$ ad totam abscissam $A Z$ extensa accipit; qui igitur erit

$$n v. dx \left\{ \begin{aligned}
 &+ N^V \\
 &- \frac{P^V + P^{IV}}{dx} \\
 &+ \frac{Q^V - 2Q^{IV} + Q'''}{dx^2} \\
 &- \frac{R^V + 3R^{IV} - 3R''' + R''}{dx^3} \\
 &+ \frac{S^V - 4S^{IV} + 6S''' - 4S'' + S'}{dx^4} \\
 &- \frac{T^V + \zeta T^{IV} - 10T''' + 10T'' - \zeta T' + T}{dx^5}
 \end{aligned} \right.$$

Singula autem hæc membra per differentialia commode & succincte exprimi poterunt: erit enim,

Euleri de Max. & Min.

K

— P^v.

$$\begin{aligned}
 -P'' + P'''' &= -dP'''' \\
 +Q'' - 2Q'''' + Q'''''' &= +ddQ'''' \\
 -R'' + 3R'''' - 3R'''''' + R'''''''' &= -d^3R'''' \\
 +S'' - 4S'''' + 6S'''''' - 4S'''''''' + S'''''''''' &= +d^4S'''' \\
 -T'' + 5T'''' - 10T'''''' + 10T'''''''' - 5T'''''''''' + T'''''''''''' &= -d^5T''''
 \end{aligned}$$

Quamobrem formulæ $\int Z dx$ integer valor differentialis ex particula $n v$ ortus, erit $= n v. dx (N'' - \frac{dP''''}{dx} + \frac{ddQ''''}{dx^2} - \frac{d^3R''''}{dx^3} + \frac{d^4S''''}{dx^4} - \frac{d^5T''''}{dx^5} + \frac{d^4S''''}{dx^4} - \frac{d^5T''''}{dx^5})$. Hic autem, quia omnes termini sunt homogenei, signaturæ tuto omitti possunt, evanescit enim discrimen inter N'' & N , itemque inter dP'''' & dP , reliquaque. Quocirca habebitur formulæ $\int Z dx$ iste valor differentialis

$$n v. dx (N - \frac{dP}{dx} + \frac{ddQ}{dx^2} - \frac{d^3R}{dx^3} + \frac{d^4S}{dx^4} - \frac{d^5T}{dx^5}) :$$

ex quo simul valor differentialis formulæ $\int Z dx$ colligi potest; si in Z altiora etiam differentialia inessent. Quare si curva quaeratur, quæ habeat $\int Z dx$ maximum vel minimum pro data abscissa, fueritque $dZ = M dx + N dy + P dp + Q dq + R dr + S ds + T dt + \&c.$ erit primum formulæ $\int Z dx$ valor differentialis hic:

$$n v. dx (N - \frac{dP}{dx} + \frac{ddQ}{dx^2} - \frac{d^3R}{dx^3} + \frac{d^4S}{dx^4} - \frac{d^5T}{dx^5} + \&c.)$$

Hincque pro curva quaesita orietur ista æquatio

$$0 = N - \frac{dP}{dx} + \frac{ddQ}{dx^2} - \frac{d^3R}{dx^3} + \frac{d^4S}{dx^4} - \frac{d^5T}{dx^5} + \&c. \quad Q.E.I.$$

C O R O L L. I.

57. In formula $\int Z dx$, uti eam tractavimus; quantitas Z continet differentialia quinti gradus; si quidem in differentiali ipsius

ipsius $dz = Mdx + Ndy + Pdp + Qdq + Rdr + Sds + Tdt$ terminus Tdt est ultimus. Cum igitur in T adhuc infint differentialia quinti gradus seu t , perspicuum est æquationem pro curva quæsita fore differentialem decimi gradus.

C O R O L L. II.

58. Hinc intelligitur perpetuo æquationem differentialem pro curva ad gradum duplo altiorem ascendere debere, quam fuerit ipsa formula maximi minimive. Ponimus enim, in ultimo termino Tdt , quantitatem T adhuc t in se complecti: nisi enim hoc esset, duobus gradibus æquatio deprimeretur, uti ex §. 50 colligere licet.

C O R O L L. III.

59. Si igitur in Z differentialia gradus n contineantur, tum æquatio pro curva differentialis erit gradus $2n$: & hanc ob rem totidem novas constantes arbitrarias potestate in se continet.

C O R O L L. IV.

60. Ob tot igitur constantes arbitrarias, totidem puncta ad Problema determinandum proposita esse oportet; ita scilicet Problema, ut sit determinatum, enuntiari debet; Inter omnes curvas per data $2n$ puncta transeuntes, determinare eam in qua sit $\int Z dx$ maximum vel minimum, siquidem quantitas Z complectatur differentialia n gradus.

C O R O L L. V.

61. Ob n igitur numerum integrum, numerus punctorum, quo Problema determinabitur, semper erit par. Sic, vel nullum punctum, vel duo, vel quatuor, vel sex, vel octo puncta, & ita porro, ad Problematis determinationem requiruntur.

S C H O L I O N I.

62. Ex gradu *differentialitatis* igitur, ad quem æquatio pro curva inventa affurgit, vel ex numero punctorum per quæ curvam satisficientem transire oportet, hujusmodi Problemata commode in Classēs distribui poterunt. Ad primam igitur Classē ea referentur Problemata, in quibus absolute quæritur linea curva, quæ pro data abscissa habeat valorem $\int Z dx$ maximum vel minimum; talia Problemata cum in Propositione secunda continentur, tum etiam in tertia, iis casibus quos §. §. 26 & 27 exposuimus; his scilicet casibus solutio præbet curvam determinatam quæsito satisficientem. Classis secunda ea complectitur Problemata, quorum solutio ad æquationem differentialem secundi gradus perducit: hæcque duo puncta ad sui determinationem poscunt; & ita proponi debent, ut inter omnes curvas per data duo puncta transeuntes ea definiatur, in qua sit $\int Z dx$ maximum vel minimum: cujusmodi Problemata in Propositione tertia soluta dedimus. Porro ad tertiam Classē pertinent Problemata in Propositione quarta tractata, quæ ita se habent; ut inter omnes curvas per quatuor data puncta transeuntes determinetur ea quæ habeat $\int Z dx$ maximum vel minimum. Simili modo quarta Classis postulat ad determinationem sex puncta, quinta octo, & ita porro, quas Classēs omnes in præsentē Problemate sumus complexi. Cæterum etsi æquatio inventa ad tantum differentialium gradum ascendit, tamen sæpius generaliter integrationem unam vel plures admittit, cujusmodi casus in præcedentibus Problematibus nonnullos exhibuimus. Hanc ob rem videamus etiam quibus casibus æquatio nostra generalis integrationem, vel unam vel plures, admittat; ut in allatis Exemplis statim videre liceat, utrum ea in his casibus contineantur an fecus. Hujusmodi autem casus potissimum sunt duo, in quorum altero est $N=0$, in altero $M=0$, a quibus deinceps alii casus pendent, quos hic evolvemus.

C A S U S I.

63. Sit in maximi minime formula $\int Z dx$ terminus $N = 0$; ita ut sit $dZ = Mdx + Pdp + Qdq + Rdr + Sds + \&c.$

Hoc ergo casu æquatio pro curva erit hæc, $0 = -\frac{dP}{dx} + \frac{ddQ}{dx^2} - \frac{d^3R}{dx^3} + \frac{d^4S}{dx^4} - \frac{d^5T}{dx^5} + \&c.$ quæ, per dx multiplicata, fit integrabilis, prodibitque

$$0 = Ax - P + \frac{dQ}{dx} - \frac{ddR}{dx^2} + \frac{d^3S}{dx^3} - \frac{d^4T}{dx^4} + \&c.$$

C A S U S II.

64. Sit & $N = 0$ & $P = 0$, ita ut sit $dZ = Mdx + Qdq + Rdr + Sds + Tdt + \&c.$

Quoniam est $N = 0$, una integratio jam successit, habeturque pro curva quæsitâ ista æquatio modo inventa, posito etiam $P = 0$:

$$0 = A + \frac{dQ}{dx} - \frac{ddR}{dx^2} + \frac{d^3S}{dx^3} - \frac{d^4T}{dx^4} + \&c.$$

quæ per dx multiplicata denuo integrari poterit, eritque

$$0 = Ax - B + Q - \frac{dR}{dx} + \frac{ddS}{dx^2} - \frac{d^3T}{dx^3} + \&c.$$

C A S U S III.

65. Si fuerit & $N = 0$ & $P = 0$ & $Q = 0$, ita ut sit $dZ = Mdx + Rdr + Sds + Tdt + \&c.$

Bini valores N & P evanescentes jam præbuerunt hanc æquationem bis integratam $0 = Ax - B + Q - \frac{dR}{dx} + \frac{ddS}{dx^2} - \frac{d^2T}{dx^3} + \&c.$ in qua si ponatur $Q = 0$, & multiplicetur per dx , obtinebitur sequens æquatio ter integrata:

$$0 = Ax^2 - Bx + C - R + \frac{dS}{dx} - \frac{ddT}{dx^2} + \&c.$$

Ex quo jam apparet, si insuper fuerit $R = 0$, tum etiam quartam integrationem locum habere, & ita porro.

C A S U S IV.

66. Si fuerit $M = 0$, ita ut sit $dZ = Ndy + Pdp + Qdq + Rdr + Sds + \&c.$

Æquatio pro curva quæsitæ ante prodiit $0 = N - \frac{dP}{dx} + \frac{ddQ}{dx^2} - \frac{d^3R}{dx^3} + \frac{d^4S}{dx^4} - \&c.$ quæ multiplicetur per $dy = pdx$, & tum addatur $dZ - Ndy - Pdp - Qdq - Rdr - Sds - \&c.$ prodibit.

$$0 = dZ - p dP + \frac{p ddQ}{dx} - \frac{p d^3R}{dx^2} + \frac{p d^4S}{dx^3} - \&c. \\ - P dp - Q dq - R dr - S ds - \&c.$$

cujus integrale assignari potest; erit enim

$$0 = A + Z - Pp + \frac{pdQ}{dx} - \frac{p ddR}{dx^2} + \frac{p d^3S}{dx^3} \&c. \\ - Qq + \frac{q dR}{dx} - \frac{q ddS}{dx^2} \\ - Rr + \frac{r dS}{dx} \\ - Ss$$

vel $0 = A + Z - Pp + \frac{p dQ - Q dp}{dx} - \frac{p ddR - dp dR + R ddP}{dx^2} + \frac{p d^3S - dp ddS + dS ddP - S d^3P}{dx^3} - \&c.$ cujus termini, quomodo ulterius progrediantur, si in dZ insint sequentia differentialia Tdt, Udu &c. sponte patet.

C A S U S V.

67. Si sit & $M = 0$, & $N = 0$; ita ut sit $dZ = Pdp + Qdq + Rdr + Sds + \&c.$

Quia est $N = 0$, una integratio per casum primum instituitur,

tur, habebiturque $0 = A - P + \frac{dQ}{dx} - \frac{ddR}{dx^2} + \frac{d^3S}{dx^3} - \&c.$

quæ multiplicetur per $dp = qdx$, ad eamque addatur $0 = -dZ + Pdp + Qdq + Rdr + Sds + \&c.$ quo facto prodibit ista æquatio integrabilis

$$0 = Adp - dZ + qdQ - \frac{qddR}{dx} + \frac{qd^3S}{dx^2} - \&c. \\ + Qdq + Rdr + Sds + \&c.$$

cujus integrale erit

$$0 = Ap - B - Z + Qq - \frac{qdR}{dx} + \frac{qd dS}{dx^2} \&c. \\ + Rr - \frac{r dS}{dx} \\ + Ss$$

$$\text{feu } 0 = Ap - B - Z + Qq - \frac{qdR - Rdq}{dx} + \\ \frac{qddS - dq dS + S ddq}{dx^2} - \frac{qd^3T - dqddT + dTddq - Td^3q}{dx^3} \&c.$$

C A S U S VI.

68. Sit & $M = 0$ & $N = 0$ & $P = 0$, ita ut fit $dZ = Qdq + Rdr + Sds + Tdt + \&c.$

Ob $N = 0$ & $P = 0$, per Casum secundum, duæ integrationes locum habent, eritque æquatio, pro curva quæsitâ, hæc,

$$0 = Ax - B + Q - \frac{dR}{dx} + \frac{ddS}{dx^2} - \frac{d^3T}{dx^3} + \&c.$$

ad quam per $dq = rdx$ multiplicatam si addatur $0 = dZ - Qdq - Rdr - Sds - Tdt - \&c.$ habebitur ista æquatio denuo integrabilis :

$$0 = Ax dq - Bdq + dZ - r dR + \frac{r ddS}{dx} - \frac{rd^3T}{dx^2} + \&c. \\ - Rdr - Sds - Tdt - \&c.$$

cujus integrale est

$$0 =$$

$$\begin{aligned} 0 &= Axq - Bq + C + Z - Rr + \frac{rdS}{dx} - \frac{rddT}{dx^2} \\ &\quad - Ap \qquad \qquad \qquad - Ss + \frac{sdT}{dx} \qquad \qquad \qquad \&c. \\ &\qquad \qquad \qquad \qquad \qquad \qquad - Tt \end{aligned}$$

$$\begin{aligned} \text{feu } 0 &= A(xq - p) - Bq + C + Z - Rr + \frac{rdS - Sdr}{dx} \\ &\quad - \frac{rddT - drdT + Tddr}{dx^2} + \&c. \end{aligned}$$

CASUS VII.

69. Si fuerit $M=0$, $N=0$, $P=0$, & $Q=0$, ita ut fit $dZ = Rdr + Sds + Tdt + \&c.$

Ob $N=0$, & $Q=0$, Casus tertius istam suppeditat æquationem pro curva jam ter integratam,

$$0 = Ax^2 - Bx + C - R + \frac{dS}{dx} - \frac{ddT}{dx^2} + \&c.$$

ad quam per $dr = sdx$ multiplicatam addatur $0 = -dZ + Rdr + Sds + Tdt + \&c.$ quo facto prodibit ista æquatio,

$$\begin{aligned} 0 &= Ax^2 dr - Bxdr + Cdr - dZ + s dS - \frac{s ddT}{dx} + \&c. \\ &\qquad \qquad \qquad + Sds + Tdt + \&c. \end{aligned}$$

quæ integrata dabit hanc,

$$\begin{aligned} 0 &= Ax^2 r - Bxr + Cr - D - Z + Ss - \frac{s dT}{dx} + \&c. \\ &\quad - 2Axq + Bq \qquad \qquad \qquad + Tt \\ &\quad + 2Ap \end{aligned}$$

$$\begin{aligned} \text{feu } 0 &= A(x^2 r - 2xq + 2p) - B(xr - q) + Cr - D \\ &\quad - Z + Ss - \frac{s dT - Tds}{dx} + \&c. \end{aligned}$$

SCHOLIION II.

70. Horum casuum ope, quorum numerum ulterius auge-
re liceret, si commodum videretur, sæpe-numero Problemata ad-
modum expedite resolvi poterunt. Quod si enim Problema
quodpiam contineatur in aliquo istorum Casuum, qui unani
pluresve integrationes per se admittat, statim formari poterit
æquatio pro curva, semel vel aliquoties jam integrata, quæ pro-
pterea ulterius facilius tractari poterit. Quod ut distinctius pa-
teat, simulque usus hujus postremi Problematis, quo in maxi-
mi minimive formula $\int Z dx$ differentialia secundum gradum su-
perantia insunt, declaretur, unicum Exemplum afferre juvabit.

E X E M P L U M.

71. *Inter omnes curvas eidem abscissæ respondentes, definire eam,
cujus evoluta, cum sua ipsius evoluta, intra radios evolutæ maximum
minimumve spatium complectatur.*

Positis, pro curva quæsita, abscissa = x & applicata = y ; sit
elementum curvæ = dw , & ejus radius osculi = ρ ; erit ele-
mentum ipsius evolutæ = $d\rho$, & hujus radius osculi = $\frac{\rho d\rho}{dw}$:
unde area comprehensa inter evolutam curvæ quæsitæ, ipsiusque
evolutam, erit = $\frac{1}{2} \int \frac{\rho d\rho^2}{dw}$; quæ ergo expressio maxima mini-
mave est reddenda. Cum autem sit $dw = dx \sqrt{(1 + pp)}$:
& $\rho = \frac{(1 + pp)^{\frac{3}{2}}}{q}$; erit $d\rho = 3(1 + pp)^{\frac{1}{2}} p dx - \dots$:
 $\frac{(1 + pp)^{\frac{3}{2}} r dx}{qq}$, & $d\rho^2 = (1 + pp) dx^2 (9pp -$
 $\frac{6(1 + pp)r}{qq} + \frac{(1 + pp)^2 rr}{q^2})$ atque $\frac{\rho}{dw} = \frac{1 + pp}{q dx}$. Maxi-
mi minimive formula itaque est $\int \frac{(1 + pp)^2}{q} dx (9pp -$

$\frac{6(1+pp)r}{qq} + \frac{(1+pp)^2 r^2}{q^4}) = f. x (\frac{9pp(1+pp)^2}{q} - \frac{6(1+pp)^3 r}{q^3} + \frac{(1+pp)^4 r^2}{q^5})$, ex quo Z erit functio ipsarum p , q & r ; unde differentiando prodibit :

$$dZ = \frac{18pdp(1+pp)(1+3pp)}{q} - \frac{9ppdq(1+pp)^2}{qq} - \frac{6dr(1+pp)^3}{q^3} - \frac{36prdp(1+pp)^2}{q^3} + \frac{18rdq(1+pp)^3}{q^4} + \frac{2rdr(1+pp)^4}{q^5} + \frac{8rrpdp(1+pp)^3}{q^5} - \frac{5r^2dq(1+pp)^4}{q^6}$$

Comparatione ergo cum forma generali instituta, erit $M = 0$; $N = 0$;

$$Z = \frac{9pp(1+pp)^2}{q} - \frac{6(1+pp)^3 r}{q^3} + \frac{(1+pp)^4 r^2}{q^5}$$

$$P = \frac{18p(1+pp)(1+3pp)}{q} - \frac{36pr(1+pp)^2}{q^3} + \frac{8rrp(1+pp)^3}{q^5}$$

$$Q = -\frac{9pp(1+pp)^2}{qq} + \frac{18r(1+pp)^3}{q^4} - \frac{5rr(1+pp)^4}{q^6}$$

$$R = -\frac{6(1+pp)^3}{q^3} + \frac{2r(1+pp)^4}{q^5}$$

Cum nunc sit $M = 0$ & $N = 0$, solutio cadit in Casum quintum, eritque æquatio pro curva quæsitahæc,

$$0 = Ap - B - Z + Qq + Rr - \frac{q dR}{dx}$$

quæ, factis substitutionibus, transit in hanc

$$0 = Ap - B - \frac{18pp(1+pp)^2}{q} - \frac{16pr(1+pp)^3}{q^3} + \frac{6rr(1+pp)^4}{q^5} - \frac{2dr(1+pp)^4}{q^4 dx} + \frac{36p(1+pp)^2}{q};$$

quæ æquatio nimis est complicata, quam ut ejus ultiores integrationes suscipi queant. Cæterum apparet hanc æquationem esse differentialem quarti ordinis, ita ut per quatuor residuas integrationes quatuor constantes adhuc ingrediantur: ex quo sex data oportebit esse puncta, per quæ curva transeat, ut Problema determinetur.